

# *ARY NY TARANAKAO HAHAZO*

## *NY VAVAHADIN'NY FAHAVALONY*

 Izaho dia, toy ny mahazatra, tara ora iray na roa. Nitsangana ny pasitera, nanao hoe, “Ankehitriny, dia tiako ny hanolotra aminareo rehetra an’Atoa. Branham tara lava.” Eny, manana zavatra betsaka hatao aho noho izany aho—lasa tara matetitetika aho. Fa tamin’ity fotoana ity dia tsy nisy azoko natao. Izany dia nohon’ny toetr’andro no nanao an’ilay izy tamin’ity fotoana ity. Afaka mametraka an’ilay izy eo amin’ny toetr’andro aho dia afa-miala. Tsy maintsy nahemotra ilay izy, Rahalahy Rose, kely fotsiny. Manao ahoana, Ranabavy Rose. Ary faly aho manana eto izao maraina izao, an-dRahalahy Rose sy Ranabavy Rose, sy Rahalahy Sharrit, ary ireo rahalahy maro, ianareo olona mahafinaritra eo.

<sup>2</sup> Reko fa, misy olona miteny amiko hoe, “Rehefa manorana ny andro eto Phoenix, dia mijanona any am-pandriana ny olona rehetra,” fiovana iray toy ny inona, fantatrareo. Indray andro any dia hihinana sakafo maimaim-poana aho. Izy ireo no miteny amiko fa afaka mahazo sakafo maimaim-poana ianareo amin’ny andro rehetra tsy amiratan’ny masoandro. Hiandry an’izany aho androany, hanao azy ireo handoa an’izany.

<sup>3</sup> Niresaka aho omaly hariva, tany amin’ny fiangonana anankiray. Tsy tsaroako marina tokoa ilay anarany. Ary noho izany dia nanana fotoana iray nahafinaritra izahay, omaly hariva, tao amin’ilay favoriana. Ary tany amin-dry Rahalahy Outlaw, sy tany Tempe, ary nanana fotoana iray mahafinaritra mihitsy izahay tao amin’izany fiombonana izany. Ary manantena ny hihaona amin’ireo rahalahy mpitoriteny rehetra ireo aho ao amin’ilay favoriana, noho izany dia banana fitsangatsanganana kely fotsiny isika, Rahalahy Rose, ka hifampiresaka. Ary ho an’izany no ahatongavako, dia ny banana fiombonana. Ary izahay dia nanana... njery ny fandaharam-potoanay ka nahita toerana maro. Fa nieritreritra aho hoe izany no fanararaotra lehibe indrindra, satria aho tokony—tokony hihaona amin’ireo olona samihafa, afaka hahita azy ireo ka hitsangatsangana.

<sup>4</sup> Indraindray eo am-pitoriana, dia tsy azo tsara ny mpitoriteny tsirairay, amin’ny fomba iray na ilay hafa. Matetika, dia mandray zavatra iray izay lazainareo ny olona ary somary fotsiny... Mivadika kely ilay izy amin’izy ireo, noho izany dia tahaka an’izany no hilazan’izy ireo azy. Ary avy eo dia maka azy ilay anankiray manaraka, ary mbola mivadika kely indray

ilay izy. Ny zavatra voalohany fantatrareo, dia lasa mivadika tanteraka ilay izy.

<sup>5</sup> Noho izany—noho izany izahay, matetika, eo am-pitoriana, dia somary mamely kely an'ireo anaram-piagonana sy rafi-pandaminana sy ny sisa aho. Indraindray, dia milaza ny olona arak'izany hoe, “Manohitra rafi-pandaminana iray Rahalahy Branham.” Diso izany. Tsy manohitra rafi-pandaminana mihitsy aho. Fa matetika mihitsy ilay izy dia ny olona no miankina fotsiny amin’io rafi-pandaminana io, hitanareo, ary mameetraka ny fanantenany rehetra eo amin’izany raha tokony ho eo amin’i Kristy.

<sup>6</sup> Tian’izy ireo ny hahita hoe mambra firy no mety ho azon’izy ireo ho an’io rafi-pandaminana io. Ankehitriny, tena tsara izany. Izaho—izaho... Mety tsara izany. Heveriko fa ny rafi-pandaminana tsirairay dia tokony hahazo ny mambra tsirairay izay mety azony. Tena tsara izany. Fa rehefa tonga eo amin’ny hoe mitondra an’ilay tsy niova fo ianareo ka mameetraka betsaka eo amin’izany noho ny ametrahanareo tsindrim-peo eo amin’ny Fanahy Masina, tahaka ny nolazain-dRahalahy Rose teto vao teo, sy ny sisa, amin’izay fotoana izay ianareo dia manao—manao ny olona hihevitra ianareo hoe, “Izahay dia mikambana amin’ity, ary izahay mikambana amin’itsy.” Na izany aza, isika rehetra dia mikambana amin’Andriamanitra. Hitanareo?

<sup>7</sup> Ankehitriny, raha nahita olona iray nidina teo amin’ny renirano tao anatin’ny lakana iray aho. Fa mipetraka eo akaikin’ny renirano iray aho any Indiana, ny Renirano Ohio, ary eo akaikin’ireo rian-drano mihitsy no misy ahy. Ary toerana iray tena mampidi-doza mihitsy izany, ireo rian-drano, satria hanamontsana anareo mihitsy izany ankehitriny. Raha mba handeha hankany amin’ireo rian-drano ireo ianareo, dia tsy misy lakana afaka handeha eo amin’izany mihitsy, satria ilay izy dia tena, saiky efapolo na dimampolo dian-tongotra ny haavony, ary avy eo dia tonga ny ranomihodina goavana eny ambany, izay mihodina avy hatrany eo amin’ny vatolampy, ilay fanambaniny eo. Ary ataoko fa ireo—ireo—ireo tampony, ireo tampony fotsy, dia mifantsitsitra ao ambanin’ireo rian-drano any amin’ny efapolo dian-tongotra ny haavony, hitanareo, izay idinany, dia miakatra indray. Ary avy eo dia mandeha mivadibadika mihitsy tahaka an’izany, ary midina ao anatin’ny fandehan-drano goavana iray izay saiky enimpolo na fitopolo dian-tongotra ny halaliny. Ary ao anatin’ny ao dia misy ranomody izay manodina azy mihodina tahaka an’izao, sy mamoaka azy ary midina mitety fantsona iray. Tsy misy fomba mba haharimiaina mihitsy, hitanareo.

<sup>8</sup> Nisy lehilahy iray maty teo fotoana vitsy lasa izay nanao akanjo aron’aina. Nahita an’ilay zavatra fotsiny ihany izy ireo rehefa nitsoraka izy, tahaka an’izao. [Manapoaka ny rantsan-tanany Rahalahy Branham—Mpand.] Na dia io akanjo

aron'aina io aza, nitondra azy tany ambany fotsiny io fandehandrano mampahatahotra io. Ary tsy hitan'izy ireo intsony izy. Tsy fantatr'izy ireo mihitsy izay nanjo azy. Nihantona teo ambonin'ireo vatolampy izy na ireo sisiny tao ambany tao, manodidina ny maily iray na roa angamba, tahaka an'izany, ary tsy misy fomba hahari-miaina mihitsy.

<sup>9</sup> Ary raha nahita olona iray nidina nankeo amin'ilay renirano tao anatin'ny lakana tranainy kely iray aho, nipetraka tany namaky, nanohy, ka nanomboka niantsoantso azy aho hoe, "Mivoaha avy ao amin'io lakana io. Tsy ho afaka hiampita an'ireo alon-drano ireo io lakana io." Ankehitriny, ilay izy tsy hoe manana zavatra hanoherana an'io lehilahy io aho, na dia tsy maintsy hivazavaza azy sy hiresaka tena mafy aminy aza aho. Ilay izy tsy hoe manana zavatra hanoherana an'ilay lehilahy aho. Tiako ilay lehilahy, saingy fantattro fa ho montsamontsana izy. Izany no antony hihorakorahako azy. Satria izy dia tsy... Ilay izy dia satria tena tiako izy, izany—izany no antony hihorakorahako azy. Raha tsy niraharaha aho, dia hilaza aho hoe, "Eny, afaka tanteraka aho," manohiza, hitanareo, raha tsy niraharaha azy aho.

<sup>10</sup> Fa ny antony ilazako an'ireo zavatra ireo dia satria manana zotom-po ny amin'ilay Fianganana aho. Izaho—manana zotom-po ny amin'ny Fianganon'Andriamanitra aho. Ary izaho—tena halako ny mahita Azy lasa misaina ara-rafi-pandaminana fotsiny. Ary fantattro io firehana io, hoe tahaka an'izany no nandehanan'ny fianganona tsirairay nankeo amin'ireo vatolampy, tahaka an'izany mihitsy, nanaraka avy hatrany an'io firehana ara-rafi-pandaminana io.

<sup>11</sup> Eritrereto fotsiny ny fifohazana tamin'ny andron'ireo Loterana, jereo hoe lasa aiza ilay izy. Ary vantany vao hany mandôna an'izany ilay izy, dia tsy mitsangana intsony indray. Tsy tafaverina intsony mihitsy ireo Loterana. Jereo ireo Metodista an'i Wesley, tsy tafaverina intsony mihitsy. Jereo ireo Mpivahinin'ny Fahamasinana, Nazareana, ny sisa rehetra amin'izy ireo, Batista, Presbyterana. Manana fifohazana iray izy ireo, ary avy eo dia mitsangana ny lehilahy iray miaraka amin'ny herin'Andriamanitra eo aminy, manomboka hetsika iray ao amin'ny Fanahy izy. Avy eo vantany vao lasa io lehilahy io, amin'izay fotoana izay dia mametraka rafi-pandaminana iray avy amin'izany izy ireo.

<sup>12</sup> Tahaka ny Moody Bible Institute, toerana tsara, saingy tsy ho tahaka ny nanaovan'i Moody azy mihitsy izany. Hitanareo? Ary ireo zavatra izay notohan'an'i Moody, dia any amin'ny iray tapitrisa maily lavitra an'izany izy ireo, noho izany dia eo ianareo izao. Ary ankehitriny dia ara-tsaina daholo ilay izy, nefo teo amin'ny Fanahy no nanaovan'i Moody an'ilay izy, hitanareo. Ary noho izany ianareo—hitanareo izany, ao amin'ireo zavatra ireo.

<sup>13</sup> Ankehitriny, rehefa nanomboka voalohany aho, ka tonga teto Phoenix, taona maro lasa izay, tao amin'ny hetsika Pentekotista, dia nanana fanararaotra iray hanomboka rafi-pandaminana iray ny tenako. Nanatona ahy ireo rahalahy an'ny Fara-Orana, nanao hoe, "Izao ilay izy. Ndao isika hanomboka. Nahoana, isika dia ho—ho goavana kokoa noho ny sisa rehetra amin'izy ireo."

<sup>14</sup> Hoy aho hoe, "Mamindrà fo! Tsy izany ilay izy. Tsy izany—tsy izany ilay zavatra, ry rahalahy. Ianareo dia—ianareo dia any amin'ny iray tapitrisa maily lavitra an'ilay—lavitra an'ilay lâlana. Tsy hitahy an'izany mihitsy Andriamanitra." Vakio ny tantaranareo. Vakio ny Baiboly. Tsy hisy rafi-pandaminana iray hafa intsony hivoaka avy amin'izany, izay avy amin'ity. Marina izany. Handrafitra io ary hiditra... Ao amin'ny toerana Laodikiana ilay izy ankehitriny. Fa hoteneniko aminareo, ry rahalahy, tsy hisy rafi-pandaminana voatahain'Andriamanitra intsony hitsangana. Tsy hisy na inona na inona avy amin'ity. Eo amin'ny Fihavian'ny Tompo isika izao. Hitanareo? Ary handray an'ilay sisa nanamborana avy amin'io hetsika ekiomenika goavana io Andriamanitra, izay mandeha ankehitriny, ho ny Ampakarina, saingy tsy hisy na inona na inona handrafitra mihitsy, ara-panahy, intsony. Hitanareo? Vita ilay izy.

<sup>15</sup> Rehefa mahita an'ireo rahalahiko aho, ireo rahalahy sarobidy, mirona tahaka an'izany, amin'izay fotoana izay dia mametraka ao amin'izany miaraka amin'izay rehetra ananako aho. Ary indraindray dia hoy ireo rahalahy hoe, "Eny, manohitra anay Rahalahy Branham. Izahay dia..." Diso izany. Oadray! Izany no—izany no zavatra lavitra indrindra amin'ny fisainako, dia ny hanohitra olona iray. Izaho dia—momba anareo aho. Rahalahinareo aho, hitanareo, ary miezaka ny tsara indrindrako. Ary izany no antony tsy nikambanako tamin'ny rafi-pandaminana anankiray mihitsy, mba ahafahako mitsangana eo amin'ilay banga ka manao hoe, "Rahalahy, tsy izany. Tsy izany ilay lâlana."

<sup>16</sup> Hoy izy ireo hoe, "Mikambana amin'ny Assemblées izahay." Mahafinaritra izany. Efa fitahiana fatratra iray ho ahy ny Assemblées de Dieu. "Izahay no Foursquare." Eny, jereo hoe efa fitahiana iray toy ny inona ho ahy izy ireo. "Izahay no Anaran'i Jesosy." Jereo hoe efa fitahiana iray toy ny inona ho ahy izy ireo. "Izahay no *anankiray*, ireo *hafa*." Na inona na inona, fitahiana daholo izy ireo. Izy ireo dia—vahoakan'Andriamanitra izy ireo. Hitanareo? Ary ao anatin'izany rehetra izany ireo vahoakan'Andriamanitra.

<sup>17</sup> Ary rehefa manomboka manakambana ny tenantsika isika, manao hoe, "Tsaratsara kely kokoa mihitsy izahay eto noho ilay Fianganon'Andriamanitra," hitanareo, na, "Tsaratsara kely kokoa izahay noho ny Foursquare na ny Anaran'i Jesosy," na zavatra tahaka an'izany. Nefa isika fotsiny dia... Mety tsy mifanaraka kely isika eo amin'ireo hevitra. Isika rehetra dia

nandeha nihinana sakafo hariva androany. Isika rehetra dia maka tarta samihafa, saingy mihinana tarta isika na izany aza, hitanareo. Izany ilay hevitra. Noho izany ilay hevitra amin'ilay izy, dia, raha—raha afaka mahita ny fiombonantsika fotsiny isika. Noho izany dia aza mandeha miankina amin'ilay rafi-pandaminana. Miankina amin'i Kalvary. Lasa maty ny amin'ireo zavatra hafa ireo ianareo. Hitanareo? Ary izaho dia tena mino...

<sup>18</sup> Mamelà ahy hilaza an'ity raha mbola ao an-tsaiko ilay izy. Tena mino aho fa efa nilalao ampahany tsara ny rafi-pandaminana iray. Satria, misy fotoana betsaka, ireo rahalahy, na dia halantsika mafy aza ny mieritreritra an'izany, efa nisy zavatra nitranga tampoka teo anivontsika, ary ireo zavatra tahaka an'izany, izay efa foto-kevitra. Ary handray an'ireo foto-kevitra ireo fotsiny ny olona ka hanaparitaka ny olona any amin'ny lâlana rehetra. Ary mikambana miaraka ny vondron-drahalahy iray izay...izay izaho...Ny tiako lazaina dia mivoaka tahaka ny nataon'izy ireo tamin'ireo andro tany aloha sy ireo karazan-javatra rehetra. Ary—ary mbola manana an'izany rehetra izany foana isika amin'izao andro izao, hitanareo, mbola mitohy foana. Ary ny olona izay afaka manao ny tenany hiaraka...

<sup>19</sup> Ilay tena sarin'ny Pentekosta, araka ny hevitro, rehefa tonga eo amin'ny hoe rafi-pandaminana ilay izy, dia ilay—ilay fiangonana, Rahalahy Petrus, ilay fiangonana Filadelfia any Suède. Ankehitriny, tsy ahoan'izy ireo na karazana foto-pampianarana inona no anananareo, raha mbola ara-tSoratra foana ilay izy. Raha te-hahita an'izany tahaka an'ity ianareo, tahaka an'itsy, na inona na inona, raha mbola manana fiombonana foana ianareo ka miaina fiainana madio iray masina. Eo ianareo izao. Tsara izany. Ary raha te-hilaza ianareo fa ho avy eo ambonin'ny soavalys fotsy iray Jesosy, ka ilay iray hafa nilaza hoe ho avy eo ambonin'ny rahona fotsy iray Izy, dia andraso tahaka an'izany Izy. Mandrosoa fotsiny, raha mbola miaina fiainana tsara iray madio ianareo ka manana fiombonana. Izany ilay fanao. Izany ilay izy.

<sup>20</sup> Izany, eny, ankehitriny, izany no antony anankiray, ry sakaiza, izay iarahako amin'ity vondron'ny Business Men ity. Satria, fantatro fa betsaka ireo zavatra tokony hahitsy ao. Fa izany no—izany no tsara indrindra izay ananantsika. Hia. Marina izany. Hia. Betsaka ny zavatra izay tokony ho lazaiko. Ary—ary ianareo, ireo rahalahy eto no hiteny aminareo, tsy misintona totohondry amin'izy ireo mihitsy aho. Eto aho amin'ny mahampanompon'Andriamanitra, mba hiteny ny Fahamarinana. Ary tsy maintsy hamaly ny amin'izany aho. Marina izany. Hoy Rahalahy Rose hoe, "Izany no antony itiavanay anao" Eny, izany—izany, eny, isika tsy afaka...Isika, tsy maintsy mijanona amin'ity Teny ity isika. Hitanareo?

<sup>21</sup> Fotoana vitsy lasa fotsiny izay, heveriko, ianareo ve efa tao... Tany am-pitan-dranomasina aho, na tany amin'ilay nosy tamin'ny taona lasa, ary nanao favoriana iray izy ireo, ary nandoka tena ny sasany tamin'ireo rahalahy mikasika ny tao amin'io favoriana lehibe io izay nananan'izy ireo an'ireo mpandraharaha, nanerana ny firenena. Ary izy ireo dia niresaka mikasika ny hoe, "Nanana toerana kely iray aho teo amin'ilay zoron-dàlana. Tsy tsara mihitsy ny raharahako. Ary nanana fotoana iray nampahatahotra aho. Fa ny zavatra voalohany fantatrareo, izaho—tonga aho nandray an'i Kristy, ary—ary, oh, manana ny zavatra rehetra aho ankehitriny." Ankehitriny, tsara izany. Mankasitraka an'izany isika. Tsara izany, saingy ny fanambinana dia tsy midiaka foana hoe Kristy. Izany, hitanareo, ary tokony hitandrina an'izany isika. Ankehitriny, tsara izany. Hitanareo? Izaho... Tsy misy na inona na inona anoherana an'izany.

<sup>22</sup> Fa somary namely an'ireo rahalahy aho tamin'io hariva io. Nandeha nankany amin'ny tronom-bahiny izahay izay nisy ny-nipetrahan'ny vondrona iray taminay, ary Rahalahy Shakarian sy izahay rehetra. Dia hoy aho hoe, "Eny," hoy aho, "ry rahalahy, hiteny aminareo aho." Hoy aho hoe, "Izaho—heveriko fa ianareo rahalahy no vondron-dehilahy mahafinaritra indrindra izay hany nahaonako, teo amin'ny fainako. Saingy," hoy aho, "ilay zavatra amin'ilay izy dia," hoy aho...

<sup>23</sup> Tsy mikambana amin'ny rafi-pandaminana iray aho, fa tena mikambana amin'ity fiombonana ity aho miaraka amin'izany. Manana kara-piombonana iray miaraka amin'izy ireo aho, ny karatra tokana izay ananako, satria misolo tena an'ireo rafi-pandaminana rehetra izy, hitanareo. Ary izany no tiako. Ho an'izany no itolomako mafy.

<sup>24</sup> "Fa," hoy aho hoe, "ny zavatra izay mampanahy ahy, dia ianareo rahalahy eo anatrehan'ireo lehilahy any ireo, izay ambinina an'arivony lavitra noho ianareo, ary avy eo dia miezaka miteny amin'izy ireo fa Kristy dia fanambinana. Aza manandrana mivarotra an'izany amin'izy ireo mihitsy." Hitanareo?

<sup>25</sup> Aza manandrana hitaha amin'izao tontolo izao mihitsy. Avelao izao tontolo izao no ho tonga eo amin'ny tanintsika. Aza mandeha eo amin'ny tanin'izy ireo. Hitanareo? Hitanareo? Raha mandeha eo amin'ny tanin'izy ireo ianareo, dia tsy hamiratra miaraka amin'izy ireo mihitsy isika. Sady izay koa, ny Filazantsara dia tsy mamiratra; manjelatra izy. Hollywood dia mamiratra. Ny Filazantsara dia manjelatra. Misy fahasamihafany betsaka eo amin'ny manjelatra sy mamiratra.

<sup>26</sup> Ary noho izany, ankehitriny, dia hoy aho hoe, "Ireo rahalahy Pentekotista voalohany izay nanana zavatra, dia niezaka niala tamin'izany, ary namahana ny mahantre, sy ny sisa tahaka

an'izany, ary nandeha tsy nanana na inona na inona, hitanareo, mba hitory ny Filazantsara, mba hikambana.” Hoy aho hoe, “Ankehitriny isika dia miezaka mandoka tena hoe firy no azontsika.” Hoy aho hoe, “Fahasamihafana iray toy ny inona izany!”

<sup>27</sup> Ary rahalahy kely sarobidy anankiray, afaka fotoana fohy dia nitsangana izy, nilaza tamiko, hoy izy hoe, “Rahalahy Branham, izany no anankiray amin’ny fahadisoana lehibe indrindra izay hany nataon’ny olona.”

<sup>28</sup> Dia hoy aho hoe, “Ankehitriny, jereo, rahalahy, tsy niezaka hanao ny olona hivarotra an’izay ananany aho. Fa miezaka aho ny manao fanamarihana iray amin’ireto mpandraharaha ireto.”

Hoy izy hoe, “Izany ilay fahadisoana lehibe indrindra, ireo olona.”

<sup>29</sup> Hoy aho hoe, “Nataon’izy ireo tamin’ny alàlan’ny Fanahy Masina izany. Ny Fanahy Masina no niteny tamin’izy ireo hanao an’izany.” Raha ny Fanahy Masina no miteny amin’ny olona iray hanao ny zavatra rehetra, dia ataovy izay Teneniny aminareo mba hatao.

<sup>30</sup> Dia hoy izy hoe, “Eny, izany no fahadisoana ratsy indrindra izay hany nataon’ny fiangonana.”

<sup>31</sup> Hoy aho hoe, “Nahoana, rahalahy?” Ary teo anatrehan’ilay lehilahy izay nireshako mihitsy.

<sup>32</sup> Hoy izy hoe, “Satria, vantany vao tonga mihitsy ny fifamaliana kely iray tao amin’ny fiangonana tany, dia nisy fahasamihafana iray teo amin’ireo Grika sy ireo—sy ireo Hebreo, sy ny sisa,” hoy izy, “tsy nanana toerana haleha ireo olona ireo. Tsy nanana trano hiverenana akory aza izy ireo.”

Hoy aho hoe, “Ny sitrapon’Andriamanitra marina tokoa.”

Hoy izy hoe, “Ahoana no haha-sitrapon’Andriamanitra an’izany?”

<sup>33</sup> Hoy aho hoe, “Nandeha hatraiza hatraiza izy ireo, nanely ny Filazantsara, satria tsy nanana toerana haleha izy ireo.”

<sup>34</sup> Tsy manao fahadisoana mihitsy ny Fanahy Masina. Tsy manao an’izany mihitsy Izy. Izay ihany. Ary araka ny noteneniko omaly hariva, dia tsy maintsy mifikitra amin’Andriamanitra fotsiny ianareo, ary mifikitra amin’Ny Teneniny, ary mihazona tsara eo amin’izany. Tsy mampaninona na aiza no Itarihany anareo, manohiza manaraka Azy fotsiny. Manohiza mandeha tahaka an’izany.

<sup>35</sup> Fa izaho tokoa dia mpa—mpanohana iray an’ity fiombonan’ny Business Men ity. Ary ny favoriana tsirairay izay anasana ahy, dia mandeha sy miresaka foana aho, milaza ny zavatra rehetra izay vitako. Tsy miezaka manamboamboatra zavatra iray ho lazaina fotsiny, izay hahafaly olona iray, *Ranona-*

*sy-ranona.* Fa isaky ny mandeha any amin'ny fivoriako aho, dia miezaka mianatra sy mivavaka ary mifady hanina, ka manao hoe, “Tompo Jesosy, inona—inona no azoko lazaina mba hanampy an’io vahoaka io.”

<sup>36</sup> Ny olona rehetra dia mahafantatra fa tsy mpitory teny aho. Tsy mpikabary aho. Izaho—izaho dia... Ny tsirairay dia mahafantatra an’izany. Tsy mpitory teny iray aho. Ny—ny hafatroy dia ny mivavaka ho an’ny marary, sy ny sisa tahaka an’izany. Fa, tsy mpitory teny aho. Ny tsirairay dia hahafantatra an’izany, mandre ahy mitory teny. Fa ny tena lazaiko, dia tiako ny mametraka totohondry amin’izay hanao zavatra.

<sup>37</sup> Tsy hanao hoe, “Izy ve tsy—tsy mpikabary mahery iray? Tsy mampiasa tsara ny gramerany ve izy? Tsy mahafinaritra ve izy eo amin’ny polipitra?” Tsy tia an’izany aho. Izaho—tsy afaka hanao an’izany aho. Tsy niantso ahy ho an’izany mihitsy Andriamanitra.

<sup>38</sup> Fa miezaka aho hahita zavatra izay hanampy an’io olona io, sy io fiangonana io mba ho fiangonana iray tsaratsara kokoa, hanampy azy ho vahoaka iray tsaratsara kokoa, mivavaka eo amin’izany.

<sup>39</sup> Ankehitriny, somary niresaka kely aho, heveriko, satria nahita olona vitsy mbola niangona foana aho, nefo avy ny orana. Izany no antony nilazako an’ireo zavatra ireo. Ankehitriny, nihotra fahefak’adiny.

<sup>40</sup> Ary ankehitriny dia tiako ny hisaotra ny rahalahy. Efa ela be no nahafantarako an-dRahalahy Fuller, efa tiako foana izy, amin’ny fanambanan’ny foko. Ary manana zavatra betsaka iraisana izahay, Rahalahy Fuller. Ary noho izany izahay... Efa nahita an-dRahalahy Fuller aho ankehitriny hatramin’ny taona maro, ary nahafantatra azy ho tena lehilahin’Andriamanitra tena izy aho, ary tiako izy. Ary eto aho izao maraina izao mba hiombona. Tena miala tsiny aho fa diso an’ilay harivany nefo efa nolazaina ho an’ity toerana ity ilay izy, saingy zavatra tsy nahafahako nanoatra ilay izy. Ary faly aho ny tonga eto izao maraina izao, mahita ny fiangonany, tsara, toy ny ahoana no nanambinan’Andriamanitra azy ireo sy nitahiany azy ireo. Ary—ary ny zavatra rehetra izay Nataony ho azy, tena mankasitraka an’izany tokoa aho. Enga anie Andriamanitra hanohy hitahy azy, sy hitahy an’ity tabernakla ity, sy—sy ireo—ireo komitin’ny mpitantan-draharaha, ireo diakona, ary ireo mambran’ny fiangonana rehetra. Ary enga anie ianareo hitombo sy hambinina ao amin’ny fahasoavan’ny Tompo, izany no fivavako manetry tena.

<sup>41</sup> Ankehitriny, alohan’ny anatonantsika ny Teny, dia ndao isika hanatona an’ilay Mpanoratra, aloha. Ndaoo isika hanondrika ny lohantsika vetivety fotsiny ho an’ny vavaka.

<sup>42</sup> Raha mbola mipetraka am-panajana isika ankehitriny ao amin'ny Fanatrehan'Andriamanitra, miaraka amin'ny lohantsika sy ny fontsika miondrika, dia misy fangatahana iray ve ao am-ponareo, izay zavatra izay ilainareo, ka tianareo homen'ny Tompo anareo, mba ahafahako mahatsiaro anareo ao amin'ny fivavako izao maraina izao eto amin'ny fiangonana? Hampahafantatra an'izany fotsiny amin'ny fananganana ny tànanareo ve ianareo? Hazony ao an-tsainareo fotsiny ilay izy, inona ilay izy. Ny Tompo anie hanaiky ho an'ny tsirairay avy aminareo ny fangatahanareo.

<sup>43</sup> Andriamanitra Ray masina sy mpiahy, Izay namorona ny zavatra rehetra tamin'ny alalan'i Kristy Jesosy, ho an'ny Voninahiny, tonga ao amin'ny Fanatrehanao izahay izao maraina izao miaraka amin'ny fisaorana ao am-ponay. Ary tahaka ny namilianay fiara nanerana ny orana, ka nitsoka ny rivotra, nilatsaka ny orana, dia mivavaka izahay, Ray any An-danitra, mba Handrarahanao eo aminay ny oran'ny Lanitra, ilay orana ara-panahy, ny fara-orana sy voalohan'orana, miaraka, ao am-ponay androany.

<sup>44</sup> Mivavaka izahay, Ray, mba Hitahianao an'ity fiangonana ity. Tena mankasitraka izahay ny amin'izany, ho an'ny pasiterany, ho an'ny fiangonany, ho an'ny...toerana iray izay ahafahan'ny olona mihaona miaraka amin'ny tafo iray eo ambonin'ny lohan'izy ireo ary sez a tsara ahazoan'aina hipetrahana.

<sup>45</sup> Mahatsiaro ao an-tsainay izahay ny tantaran'io Fiangonana voalohany io, io Fiangonana voalohany, apostolika, katolika io, ka mahita hoe toy ny ahoana no nipetrahan'izy ireo teo ambonin'ny vato na zavatra izay vitan'izy ireo, mba handre ny Tenin'Andriamanitra, ary avy eo dia nandohalika teo amin'ny gorodona, nefo nangatsiaka ny andro sy namatovato ary naloto, ary nihazona ny tànany nankany An-danitra tany ka nankasitraka ny Fanatrehan'ny Fanahy Masina. Nanome azy ireo ny fanapahan-kevitra iray tahaka an'izany teo amin'ny fiaiany hany ka nandeha nankao amin'ny lavaky ny liona izy ireo, tsy nanao hetsika iray akory mihitsy aza, fa nitsiky teo amin'ny endriny, njery nankany An-danitra, nahafantatra, fa afaka minitra vitsy, dia ho ao amin'ny Fanatrehan'Ilay Izay tiany izy ireo.

<sup>46</sup> Oh, ny finoan'ireo rainay, mbola velona foana, na dia tao an-tranomaizina aza, lelafo sy sabatra. Avaozy ao anatinay, O Tompo, ny finoana tahaka an'izany. Omeo anay ilay fitahiana apostolika lehibe an'ny Fanahy Masina.

<sup>47</sup> Ny tsirairay avy androany izay nanangana ny tànany, dia Fantatralo izay ilain'izy ireo, Tompo. Ianao no mahafantatra an'izay ao ambadik'io tànana io, izay antony sy tanjona ao anatin'io fo io. Ianao irery no afaka manolotra ny ilaina tsirairay,

Tompo. Ary mivavaka ho azy ireo aho, tsy mahafantatra ny ilainy, fa manolotra ny fivavako ho fangatahana iray ho azy ireo. Amin'ny maha-Mpanomponao, dia mivavaka am-pahatsoram-po ho an'ny tsirairay avy aho, ka, na inona na inona nangatahan'izy ireo, dia enga anie izy ireo hahazo. Tahio izy ireo, Ray.

<sup>48</sup> Ary ankehitriny raha mamaky Ny Teninao izahay, ka mampianatra an'ity kilasin'ny sekoly Alahady ity, raha izany ilay izy, izao maraina izao, dia mivavaka aho mba Handraisanao an'ireto Teny ireto sy hivaofy ny tsi-finoana rehetra hiala amin'izy ireo, Tompo; fa, ny herin'i Satana rehetra dia te-hamefy, ka te-hisakana an'Izany tsy hitombo. Enga anie izany hiditra ao anatin'ny fo tsirairay, ka ho lasa hazo fihinam-boa an'ny fahamarinana, Tompo. Ny finoana, hamokatra an'izay Nandidianao Ny Teninao mba hatao, manao hoe, "Tsy hiverina Amiko foana Izany, fa hanatanteraka an'izay nikasana Azy Izany."

<sup>49</sup> Ankehitriny, Tompo, amasino ny Mpanomponao. Efa nohamasinina Ny Teninao. Ary, miaraka, dia enga anie izahay ho afaka hamahana ny andian'ondry izay nanomezan'ny Fanahy Masina anay ny-ny fiambenana. Mangataka amin'ny Anaran'i Jesosy izahay. Amena.

<sup>50</sup> Ankehitriny, ho anareo izay tia mamaky indraindray, miaraka amin'ny Hafatra, izaho dia... Mangataka anareo aho, raha hamadika ao amin'ny Boky ianareo. Ary manana Hafatry ny sekoly Alahady kely iray fotsiny aho, tahaka an'izany, ho an'ny olona izao maraina izao.

<sup>51</sup> Afaka mandre ahy tsara ve ianareo, ny manodidina rehetra, manerana ny toerana rehetra? Nafindrako ity fanamafisam-peo ity. Farim-peo kely fotsiny aho. Izaho, vantan'ny vao tonga teto aho, dia tratry ny sery. Niezaka ny tsarany indrindra ny devoly mba hisakana ahy tsy ho eto. Tsy fantatro. Mino aho fa Andriamanitra dia azo antoka tokoa fa handraraka zavatra lehibe iray eto amin'ity favoriana ity amin'izao fotoana izao, satria Satana dia nanao ny zavatra rehetra izay vitany mba hisakana ahy amin'izany.

<sup>52</sup> Fa ankehitriny dia hamaky avy ao amin'ny Genesisy isika, ny toko faha-22. Ary ianareo izay hamadika ao amin'ny Baibolinareo, dia ndao isika hamaky ampahany iray an'Izany, miaraka. Genesisy 22, ndao isika hanomboka eo amin'ny andininy faha-9.

*Ary tonga teo amin'ny toerana izay notenenin'Andriamanitra taminy izy ireo; dia nanorina alitara iray teo i Abrahama, ka nandahatra ny kitay, dia namatotra an'i Isaka zanany, ka nametraka azy teo ambonin'ny alitara teo ambonin'ny kitay.*

*Ary naninjitra ny tànany Abrahama, ka nandray ny antsy mba hamonoany ny zanany.*

*Fa niantso azy avy tany an-danitra ilay Anjelin'ny TOMPO, ka nanao hoe, Ry Abrahama, ry Abrahama: dia hoy izy hoe, Inty aho.*

*Dia hoy izy hoe, Aza mametraka ny tànanao eo amin'ny zazalahy, ary aza manao na inona na inona aminy koa: fa fantatra ankehitriny fa matahotra an'Andriamanitra ianao, satria ianao dia tsy niaro ny zanakao, ny zanakao lahitokana tamiko.*

*Dia nanandratra ny masonry i Abrahama, ka njery, ary indro taoriany dia nisy ondrilahy iray voasaringotry ny kirihitrala tamin'ny tandrony, na tamin'ny tandrony, raha ny marina: dia lasa i Abrahama ka naka an'ilay ondrilahy, ary nanatitra azy teo ambonin'ny... ho fanatitra dorana ho solon'ny zanany.*

*Ary Abrahama dia niantso ny anaran'ilay toerana hoe Jehovah-jire: araka ny anaovana azy mandrak'androany hoe, Any an-tendrombohitry ny TOMPO no hahitana azy.*

*Ary ilay anjelin'ny TOMPO niantso an'i Abrahama fanindroany avy tany an-danitra,*

*Ary nanao hoe, Amin'ny tenako no nianianako, hoy ny TOMPO,... satria nanao izany zavatra izany ianao, ka tsy niaro ny zanakao, ny zanakao lahitokana:*

*Dia hitahy anao amin'ny fitahiana aho, ary izaho hahamaro amin'ny fampitomboana ny taranakao ho tahaka ny kintan'ny... lanitra, sy ho tahaka ny fasika... any amoron-dranomasina; ary ny taranakao hahazo ny vavahadin'ny fahavalony;*

<sup>53</sup> Tiako ny haka an'io fehezan-teny farany eo io ho an'ny lahateny iray hoe: *Ary Ny Taranakao Hahazo Ny Vavahadin'Ny Fahavalony*. Izany dia—dia teny fikasana iray mahafinaritra.

<sup>54</sup> Ankehitriny, isika rehetra dia mahalala tsara an'ity tantara ity, angamba namaky an'izany hatrany, hatrany, isaky ny fotoana, ny amin'i Abrahama, sy hoe ahoana no niantsoan'Andriamanitra azy hivoaka amin'ny fireneny, ary ahoana fa lehilahy tsotra iray fotosiny izy, tsy misy na inona na inona manokana. Fa Andriamanitra no niantso azy ary nanao teny fikasana iray ho azy.

<sup>55</sup> Ankehitriny, tiako ianareo hanamarika fa io teny fikasana izay nataon'Andriamanitra tamin'i Abrahama io dia tsy ho an'i Abrahama fotosiny ihany, fa izany dia ho an'ny taranany taoriany. Ankehitriny, maro ny olona no manao hoe, "Oh, raha mba tahaka an'i Abrahama aho, raha mba tany aho ka niresaka tamiko Andriamanitra ary—ary nanome ahy an'ilay antoka tahaka ny Nataony tamin'i Abrahama, amin'izay fotoana

izay aho dia ho nanana. Izaho—ho nanana finoana marina tokoa aho, Rahalahy Branham, raha mba nanana fotsiny aho, raha niresaka tamiko tahaka ny Niresahany tamin'i Abrahama Andriamanitra." Saingy manana an'ilay teny fikasana iray ihany izay nananan'i Abrahama ianareo, izany hoe, raha Taranak'i Abrahama ianareo.

<sup>56</sup> Avy eo dia hoy ianareo hoe, "Saingy, Rahalahy Branham, Jentilisa iray aho. Tsy afaka hanana ny taranak'i Abrahama aho."

<sup>57</sup> Ny Taranak'i Abrahama dia tsy ilay taranaka araboajanahary. Izany dia ilay Taranaka ara-panahy, satria tsinontsinona ilay famoràna an'izany. Ny teny fikasana, dia Nomeny azy talohan'ny famoràna mihitsy aza. Fa nomena azy talohan'ny famoràna izany, ary izany dia tsy satria hoenoforaina izy ka tao amin'ilay faneke na raka tamin'Andriamanitra tahaka an'izany. Izany dia satria nino an'Andriamanitra i Abrahama.

<sup>58</sup> Ary ny Soratra dia nilaza, hoe, "Rehefa maty ao amin'i Kristy isika, dia lasa Taranak'i Abrahama." Paoly no miresaka an'izany hoe, "Ary izay Jiosy dia tsy Jiosy ety ivelany, fa Jiosy ao anaty." Noho izany, raha nateraky ny Fanahin'Andriamanitra ianareo, "dia Taranak'i Abrahama ianareo, ary mpandova miaraka amin'i Abrahama araka ny teny fikasana." Hitanareo? Noho izany ny teny fikasana tsirairay izay nomen'Andriamanitra an'i Abrahama dia anareo, satria ara-panahy dia Taranak'i Abrahama ianareo.

<sup>59</sup> Ary Jiosy iray kokoa noho izay haha-izy anareo raha teraka tao amin'ny rà Jiosy, ary noho izany—ary noho izany dia ho Jiosy ortodoksa iray tao amin'io fiangonana io, ary mpandà an'ity Fanahy Masina sarobidy ity sy ilay Jesosy Kristy Tompo. Hitanareo? Jiosy iray kokoa ianareo, satria ianareo dia Jiosy iray izay nateraky ny teny fikasana iray avy tany An-danitra, izay nomen'Andriamanitra an'i Abrahama, ary Abrahama nanaiky an'izany tamin'ny finoana, ary izany no nanao azy amin'izay na ha-izy azy. Na izany aza, ny Jiosy iray dia fisarahana fotsiny, ary niampita, Hebreo, sy ny sisa tahaka an'izany.

<sup>60</sup> Ankehitriny, fa rehefa nanasaraka ny tenanareo tamin'ireo zavatr'izao tontolo izao ianareo, niampita an'io tsipika mampisaraka io, ary nivahiny tao amin'ny tany vahiny iray, tany iray toy ny hoe tsy tao ianareo, tany amin'ny voalohany, niaraka tamin'ny vahoaka iray izay tsy nikambananareo mihitsy tany amin'ny voalohany, amin'izay fotoana izay dia lasa Jiosy iray ara-panahy ianareo. Satria, tahaka an'i Abrahama, tamin'ny finoana, izay nandao ny fireneny, nandao ny olony, nandeha nankao amin'ny firenena vahiny iray niaraka tamin'ny vahoaka vahiny. Dia nandao ny olonareo ianareo, namela an'izao tontolo izao tany aoriana, namela an'ireo mpiara-miasa aminareo tany

aoriana, niampita, tamin'ny alàlan'ny Ràn'i Jesosy Kristy, ary mpandalo ianareeo, mitady Tanàna iray Izay Andriamanitra no Mpanorina sy Mpanao, tahaka an'i Abrahama. Mpivahiny, niaraka Taminy, nitoetra tao anaty tranolay, ireo fiangonana, olona teratanin'ny Fanjakan'ny Lanitra, mpandova ny zavatra rehetra amin'ny alàlan'ny Jesosy Kristy. Hitanareo? Niampita isika, nisaraka.

<sup>61</sup> Ankehitriny, Abrahama, ny teny fikasana dia natao ho an'i Abrahama sy ny Taranany taoriany. Ankehitriny, Andriamanitra no nanome an'io teny fikasana io ho an'i Abrahama, hoe ny Taranany, dia hahazo ny vavahadin'ny fahavalony aorian'ny Nizahany toetra an'i Abrahama, nitsapa an'i Abrahama. Ankehitriny, aorian'ny nahatongavan'ilay fitsapana, amin'izay fotoana izay...

<sup>62</sup> Efa niova fo i Abrahama, izany no hiantsoantsika azy, avy tamin'ny fanompoan-tsampy ho amin'Andriamanitra. Ary avy eo Andriamanitra dia nanome azy, ho famantaran'ny Fanahy Masina, an'ilay famoràna. Avy eo, taorian'ny famoràna, tamin'izay fotoana izay no tonga ny fotoan'ny fitsapana.

<sup>63</sup> Tena tandindona tsara tarehy iray mihitsy eto ny amin'ilay Fiangonana, hoe, rehefa avy novonjena isika, amin'izay fotoana izay dia nomena antsika ny tombokasen'ny famoràna, izay tsy araka ny nofo, fa araka ny Fanahy. Ary ny Fanahy Masina no famoràntsika. Izany no antsy maranitr'Andriamanitra. Izany no manasaraka sy mandidy an'ilay nofo mihoatra, an'izao tontolo izao, hiala amintsika. Ny Tenin'Andriamanitra, maranitra noho ny sabatra roa lela! Noho izany, hitanareo, miverina avy hatrany. Ny Tenin'Andriamanitra no zavatra izay ampiasain'ny Fanahy Masina; fa tsy ireo fanekem-pinoana, tsy ireo anarampiangonana. Fa ny Teny no manasaraka antsika amin'ireo zavatr'izao tontolo izao. Izany no manaisotra an'ireo hevitsika sy ny sisa, ary manokana antsika manontolo ho an'Andriamanitra.

<sup>64</sup> Hoy Jesosy hoe, "Raha mitoetra ao Amiko ianareeo, ary Ny Teniko ao aminareo." Eo ianareeo izao. Noho izany, tsy ny teninareeo izany. Ny Teniny izany. Noho izany, hitanareo, "Raha mitoetra ao Amiko ianareeo, ary Ny Teniko ao aminareo, dia afaka mangataka an'izay tianareo ianareo." Ah-hah. Hitanareo? Inona izany, tsy miteny ny teninareeo manokana ianareo. Miteny Ny Teniny ianareo.

<sup>65</sup> Koa noho izany dia ny Fanahy Masina no ilay Anankiray izay mandray ny Tenin'Andriamanitra ary manasaraka antsika amin'ireo zavatr'izao tontolo izao, hitanareo, ny famoràna, ilay fanalàna. Avy eo dia mandalo amin'ny fotoan'ny fitsapana ianareo.

<sup>66</sup> Ankehitriny, Abrahama, rehefa avy nantsoina hivoaka izy, tao amin'ny tanin'ny Kaldeana, tao amin'ny tanànan'i Ora, dia lasa mpivahiny iray izy, mpandalo iray. Ary tamin'izay fotoana

izay Andriamanitra no niantso azy, rehefa avy nanaporofo izy fa hanohy handeha ka handray an'Andriamanitra amin'Ny Teniny. Noho izany, ny nataon'Andriamanitra tamin'izany, dia nanome azy famantarana iray, fa nanaiky azy Izzy, ka Noforainy izy. Arynoforainy Isimaela sy ny ankohonany rehetra.

<sup>67</sup> Ary ankehitriny hitanareo, rehefa—rehefa nantsoina hivoaka ianareo, dia mandalo fizahan-toetra iray aloha, mba hahitana raha handeha hanohy marina tokoa ianareo. Ary avy eo Andriamanitra dia manome anareo ny Fanahy Masina, izay famantarana fa nanaiky ny finoanareo izay lazainareo fa ananananareo Aminy Izzy. Manaraka ahy ve ianareo ankehitriny? [Hoy ny fiangonana hoe, “Amena.”—Mpand.] Hanaiky an’izany Izzy.

<sup>68</sup> Ankehitriny, izaho dia niresaka tamin’ny . . . Misy rahalahy Batista sarobidy sasantsasany angamba mipetraka eto. Ary ny olona rehetra dia mahafantatra fa nivoaka avy tao amin’ny fiangonana Batista aho. Niresaka tamin’ny rahalahiko Batista aho. Ary hoy izy tamiko hoe, “Rahalahy Branham?” Izzy dia Mpampianatra ny momba an'Andriamanitra, lehilahy tsara iray, tena Kristiana. Hoy izy hoe, “Fa, Rahalahy Branham, aiza no ahitanao fa ny batisan’ny Fanahy Masina dia zavatra samihafa noho ny finoana an’i Kristy Jesosy?”

Hoy aho hoe, “Samihafa izany, ry rahalahy sarobidiko.”

<sup>69</sup> Hoy izy, “Tsy mieritreritra ve ianao fa rehefa mandray an’i Kristy ianao, dia mandray ny Fanahy Masina?”

<sup>70</sup> Hoy aho hoe, “Marina tokoa. Saingy,” hoy aho, “hitanao, ianao dia milaza fotsiny ihany fa nandray an’i Kristy, mandra-Panekeny an’izany.”

<sup>71</sup> Hoy izy hoe, “Rahalahy Branham, Abrahama dia nino an'Andriamanitra, ary nisaina ho fahamarinany izany.”

<sup>72</sup> Hoy aho hoe, “Eny. Saingy nanome azy famantarana iray Andriamanitra, hoe nandray ny finoany Izzy, rehefa nanome azy ny tombokasen’ny famoràna Izzy, dia nanaiky ny finoany Izzy.” Amená.

<sup>73</sup> Ankehitriny, rehefa mandray an’i Kristy ho Mpamontjintsika isika, amin’izay fotoana izay, raha tso-po ao amin’izany isika, amin’izay fotoana izay dia manome antsika famantarana iray Andriamanitra, hoe nandray ny finoantsika an’i Kristy Izzy, amin’ny nanomezana antsika ny tombokasen’ny famoràna, izay ny Fanahy Masina. Izany no tombokasen’ny famoràna. “Aza mampalahelo ny Fanahy Masin’Andriamanitra izay nanisiana tombokase anareo hatramin’ny Andro Fanavotana anareo.” Tsy hoe hatramin’ny fivoriana manaraka; fa hatramin’ny Andro Fanavotana anareo. Marina izany, Efesiana 4:30. Ankehitriny, toy izany no andraisantsika ny Fanahy Masina.

<sup>74</sup> Ankehitriny, raha hoy ianareo hoe, “Oh, mpino iray aho,” nefy tsy mbola nanome anareo ny Fanahy Masina mihitsy Andriamanitra, dia mbola tsy nanaiky an’izany mihitsy Izy. Milaza fotsiny ianareo fa mino. Fa rehefa ny fisalasalana rehetra... Tsy milaza aho hoe tsy mpino iray ianareo ankehitriny. Amin’ny ampahany iray, dia mpino ianareo.

<sup>75</sup> Fa rehefa mahita sitraka Andriamanitra, mahita sitraka Aminy ianareo, raha ny marina, ary Izy manaiky anareo ho Zanany, ka Fantany ny fonareo, ary Hitany ny fahatsoramponareo, Fantany fa niala taminareo ny zavatra rehetra. Amin’izay fotoana izay Izy dia manisy tombokase anareo ao amin’ny Fanjakan’Andriamanitra, amin’ny alàlan’ny Fanahy Masina, manaporofa amin’izao tontolo izao fa nanaiky ny finoana izay nolazainareo fa anananareo ao Aminy Izy. Azonareo ve ilay izy ankehitriny? [Hoy ny fiangonana hoe, “Amena.”—Mpand.]

<sup>76</sup> Ankehitriny, aorian’izany avy hatrany, dia tonga ny fakampanahy. “Ny zanaka rehetra izay manatona an’Andriamanitra dia tsy maintsy faizina aloha, zahan-toetra.”

<sup>77</sup> Jesosy, vantany vao nandray ny fahafenoan’ny Fanahy Izy, teo amin’ny renirano, rehefa nanao batisa Azy i Jaona, dia nitondra Azy avy hatrany tany an-efitra ny devoly, mba handalo amin’ny fotoan’ny fakam-panahy iray. Fa rehefa nandray ny Tenin’Andriamanitra Izy ka nandresy ny devoly hoe, “Voasoratra hoe. Voasoratra hoe,” dia niverina Izy ary avy eo dia vonona ho an’ny Asam-panompoany.

<sup>78</sup> Ary tahaka an’izany no nataon’Andriamanitra tamin’i Abrahama. Ankehitriny, Andriamanitra, rehefa avy niantso azy hivoaka ny taniny, dia nanasaraka ny tenany tamin’ny taniny izy, ny olony, ary avy eo dia nomen’Andriamanitra azy ny tombokasen’ny famorâna, avy eo dia nomeny azy ilay zanaka. Avy eo dia nandeha teo amin’io fitsapana farany io izy, teo amin’ilay fotoana tsy maintsy nanolorany an’i Isaka zanany manokana ho fanatitra iray. Ary hoy Izy hoe, “Hitako fa tsy niaro ny zanakao lahitokana ianao, dia Fantatro fa tia Ahy ianao.” Nomeny azy io fitsapana io.

<sup>79</sup> Avy eo taorian’izany avy hatrany, dia azo ilay ady tamin’izay, hoy Izy hoe, “Ary ny Taranakao hahazo ny vavahadin’ny fahavalony.” Amen. Tiako izany. “Hahazo ny vavahadin’ny fahavalony.” Ho tonga eo amin’io teboka farany io isika afaka fotoana vitsy fotsiny, raha sitraky ny Tompo. Ankehitriny dia izao no Hitany, Abrahama mahatoky. Rehefa Hitany i Abrahama mahatoky, tamin’izay fotoana izay dia Nomeny azy ny teny fikasana ny amin’ny fahazoana ny vavahadin’ny fahavaloo.

<sup>80</sup> Ankehitriny eo, matetika, no nanaovantsika Pentekotista fahadioana iray, ka mihevitra hoe, “Eny, narotsaka tamiko ny

Fanahy Masina. Voninahitra ho an'Andriamanitra! Izay ihany no tokony ananako.” Tsia, tompoko. Vao manomboka fotsiny ianareo amin’izay fotoana izay. Ianareo, tsy tamin’izany ilay izy. Ilay izy dia ny fitsapanareo sy ny fizahan-toetranareo.

<sup>81</sup> Tahaka ny hitantsika mihitsy ao—ao, any amin’ny—ny—ny Testamenta Taloha; fitsapana, fizahan-toetra, ary avy eo dia fametrahana zanaka iray. Fananganan’anaka, fametrahana an’ilay zanaka aorian’ny naaha-efa zanaka iray azy, nateraka tao amin’ilay fianakaviana. Zanaka iray izy, avy eo dia hotsapaina sy ho zahan-toetra izy, ary notezain’ireo mpitaiza, ary hita hoe ahoana no isehoany. Ary avy eo izy dia apetraka ara-toerana mitovy, saiky, amin’ny rainy.

<sup>82</sup> Ankehitriny dia izany ilay izy amin’izao andro izao. Nanana teo amin’ny efapolo taonan’ny fitsapana an’ny Pentekosta isika, na mihoatra, hitanareo, fitsapana an’ilay fiangonana, hahitana na hahatanty izy ireo, na tsia. Hahita an’izay ianareo... Ary, hitanareo, eo no isintonako an’ilay izy indray. Raha tokony hifikitra eo amin’ny hazo fijaliana sy eo amin’ny Teny, ary mandroso, dia lasa manaraka lamaody araka an’izao tontolo izao isika, manintsana *eto* amin’ity, na manintsana an’ity *eto*, na maka lamaody amin’ity.

<sup>83</sup> Tahaka ny nitenenako tena mafy foana manohitra ny olona ao amin’ity fironana moderina amin’izao andro izao ity, ireo vehivavy manapaka ny volony, ary—ary ireo lehilahy manao hadalana sy ny sisa, ary manao akanjo tsy maotina mihitsy sy ny sisa. Mahazo fanakianana betsaka eo amin’izany aho. Fa inona izany? Izany dia miezaka mamonjy an’io fiangonana io. Izany dia miezaka hampakatra azy ireo *eto*, mankany amin’ny Tenin’Andriamanitra, tsy mampaninona izay tsy maintsy ho lazain’ilay tontolo hafa mikasika an’Izany. Mijanòna amin’ny Tenin’Andriamanitra. Amena. Hitanareo? Hitanareo?

<sup>84</sup> Ilay zavatra amin’ilay izy dia, tahaka ny nolazaiko omaly hariva, ireo Pentekotista dia miandry rivotra mahery iray mifofofofo, nefo diso amin’ny fandrenesana an’io Feo kely milamina io izy ireo. Hitanareo? Izany, diso ny fanaovana an’ireo zavatra ireo. Mieritreritra izy ireo hoe, “Raha mbola mifofofofo foana ilay rivotra, dia mety tsara.”

<sup>85</sup> Saingy tsy nahasintona ny fifantohan’ilay mpaminany izany. Tsy nanelingelina an’i Elia mpaminany tao anatin’ny zohy mihitsy ilay rivotra mifofofofo. Ireo kotrokorana mahery sy tselatra, ary filatsahana, dia tsy nahasintona azy, mihitsy. Fa ny nanaitra tampoka azy dia io feo kely milamina io, io zavatra izay miteny ao anaty io. “Ny Teniko no Fahamarinana. Aoka ny tenin’olona rehetra ho lainga, fa ny Ahy ho marina.” Izany no nahasintona an’ilay mpaminany. Hitanareo?

<sup>86</sup> Ary mbola hanao an’ilay izy foana izany. Ny Tenin’Andriamanitra dia misintona foana an’ilay fisainana

ara-panahy, satria izany no sain'i Kristy ao anatinareo, izay mahafantatra fa marina io Teny io.

<sup>87</sup> Ary mandalo amin'ny fotoan'ny fitsapana iray ianareo. Ny fiangonana dia mandalo amin'ny fotoan'ny fitsapana iray. Ny isam-batan'olona tsirairay dia mandalo amin'ny fotoan'ny fitsapana iray alohan'ny hany ahafahany mahazo ny vavahadin'ny fahavaloo. Nandalo tamin'izany i Abrahama. Nandalo tamin'izany Kristy. Rehefa avynofenoina ny Fanahy Masina Kristy, tany teo amin'ny reniranon'i Jordana, dia nandalo tamin'ny fotoan'ny fitsapana iray Izy. Rehefa avy nantsoina hivoaka i Abrahama, napetraka teo amin'ny taniny izay tsy maintsy haha-mpivahiny iray azy, avy eo dia nomena ny famoràna, ary nihaona taminy Andriamanitra, isaky ny fotoana, kanefa dia tsy maintsy nandalo tamin'ilay fotoan'ny fitsapana izy. Ny taranak'i Abrahama tsirairay dia manao an'ilay zavatra iray ihany, Abrahama sy ny Taranany.

<sup>88</sup> Rafi-pandaminana iray, fiangonana iray, izany no antony ahitantsika an'ireo rafi-pandaminantsika mihataka eny amoron-dàlana, dia satria rehefa tonga eo amin'ny fitsapana ilay izy. Fitsapana inona? Ny Tenin'Andriamanitra. Io ilay fitsapana. Ny Tenin'Andriamanitra no fitsapana. Hanao an'izay lazain'ny andian-dehilahy iray mba hatao ve isika, sa hanao an'izay lazain'Andriamanitra mba hatao? Izany ilay fahasamihafana.

<sup>89</sup> Eo no tonga ilay izy, ireo andron'i Dwight Moody, ireo andron'i Finney, Sankey, Knox, Calvin, Spurgeon, ny sisa rehetra amin'izy ireo, ireo lehilahy ara-panahy ireo, ireo rafi-pandaminana dia nanaraka taorian'izy ireo. Nanana andian-dehilahy izy ireo tany izay nanao ny lâlany hiditra tao amin'izany, ny tsirairay avy dia mino an'ity sy etsy, ary manampy kely eto, ary manaisotra kely etsy, ary manampy kely eto, hany ka nanao rafi-pandaminana iray avy tamin'izany izy ireo tamin'ny farany.

<sup>90</sup> Ary rehefa nanao izy ireo, ilay tena mpino marina, tonga avy hatrany Andriamanitra ka maka olona kely iray, manetry tena, mandrava an'io zavatra io ho potipotika. Marina. Manao an'izany foana. Tsy miova Andriamanitra. Mandrovitra an'io zavatra io ho potipotika fotsiny, olona misaina ara-panahy iray izay hijanona tsara amin'io Teny io.

<sup>91</sup> Mamelà ahy hiteny aminareo. Manana taratasy iray aho any an-trano, avy tamin'ny anankiray amin'ireo fiangonana tsara indrindra, rafi-pandaminana goavana ao amin'ny hetsika Pentekotista. Nanoratra taratasy iray ho ahy io vehivavy torotoro fo mampalahelo io. Dia hoy izy hoe, "Ranadahy Branham, nitondra volo lava aho ary nanana midongona iray taorian'ny lohako." Hoy izy hoe, "Ary ny...Tian'ny vadiko ilay izy." Dia hoy izy hoe, "Nifindra niala tamin'ny tanàna izay nanananay fiangonana iray izay tena ara-panahy izahay,

nankany amin'izay nisy an'io fiangonana goavana io, ilay fiangonana voalohany an'ny tanàna." Ary hoy izy, "Rehefa nuditra tao izahay, ireo rahavavy Pentekotista rehetra dia nanapaka ny volony." Ary hoy izy, "Nanenjika ahy izy ireo mikasika an'izany. Hoy aho hoe, 'Tsia, tsia. Izaho dia mino fa ny Baiboly dia milaza amintsika mba tsy hanao an'izany; mahafaboninahitra ny manao an'izany.'" Ary noho izany dia hoy fotsiny izy hoe, "Ary nanohy izy ireo... Naneso azy izy ireo, nanao hoe, 'Hey, ny—ho vaky ny kodiaranao aoriana, ny fanolonaو, sy ny rehetra tahaka an'izany. Ary nanenjika ny vadiko, tamin'ny fomba tahaka an'izany, hany ka nanery ahy hanapaka ny voloko izy." Dia hoy izy, "Efa voaheloka aho, hatramin'io."

<sup>92</sup> Eritrereto izany, fiangonana Pentekotista iray izay natao hanohana ny Tenin'Andriamanitra! Eo amin'izany no itondran'ny rafi-pandaminanareo anareo. Marina. Diso amin'ny fandrenesana an'io Feo kely milamina an'ny Teny io izy ireo, izay miantso azy ireo ho amin'ny fahamarinana. Izy rehetra dia mihaino rivotra mahery mifofofofo, sy fikiakiahana betsaka ary fandihizana, milaza fa manana hery izy ireo. Mety tsara izany. Izaho dia mino an'izany, ihany koa. Saingy, rahalahy, rehefa afaka mandihy sy mihiakiaka ianareo, nefá avy eo dia mihodina ka mandà ny Tenin'Andriamanitra, ary miaina tahaka an'izao tontolo izao, dia misy zavatra tsy mety any ho any. Marina.

<sup>93</sup> Midina ny Fanahin'Andriamanitra, io Feo kely milamina io, ary mitarika anareo avy hatrany mihitsy mankany Kalvary, izay misy antsika maty, ka ny fiaianantsika dia miafina ao amin'Andriamanitra amin'ny alalan'i Kristy, ary voaisin'ny Fanahy Masina tombokase. Amin'izay fotoana izay, dia io Teny io irery ihany no velona ao. "Noho izany raha mitoetra ao Amiko ianareo, ary Ny Teniko ao aminareo, dia angataho izay tianareo fa homena anareo izany." Io ilay fahasamihafana.

<sup>94</sup> Manantena aho fa tsy miseho ho fanatika iray aminareo. Raha izany aho, izaho dia—izaho dia—tsy fantatro ilay izy. Izaho—mino aho fa ny Tenin'Andriamanitra no Fahamarinana, ary tsy maintsy mitoetra eto mihitsy Izany. Ary raha mitoetra eto Izany, dia haneho ny Tenany Izany eo ivelany. Tsy maintsy Izany! Ny fiaianareo, ny toe-batanareo manontolo, dia ho hafa.

<sup>95</sup> Noho izany rehefa nomen'Andriamanitra an'i Abrahama ilay fitsapana, dia tafavoaka izy, zato isan-jato. Ary ho...

<sup>96</sup> Tsy afaka manome fitsapana iray ho an'ny rafi-pandaminana iray Andriamanitra, satria hikorontana tanteraka izy. Tsy tahaka an'izany no ifanaraharan'Andriamanitra amin'ny rafi-pandaminana. Tsy mifanaraka amin'ny firenena ao amin'ny taranaka Jentilisa Izzy. "Naka vahoaka iray avy amin'ny Jentilisa Izzy." Isiraely, dia naka firenena iray Izzy. Fa, ho an'ny Jentilisa, "Naka vahoaka iray avy amin'ny Jentilisa nohon'Ny Anarany Izzy." Noho izany, hitanareo, ilay izy dia tsy rafi-pan-... Tsy

rafi-pandaminana iray ilay izy. Ilay izy dia isam-batan'olona no Alainy avy amin'ny Jentilisa.

<sup>97</sup> Ary rehefa tonga ilay fitsapana, dia hitanareo ve izay mitranga? Nivoaka avy tamin'ny fanamarinana isika. Nandray ny batisan'ny Fanahy Masina isika tao amin'ny hetsika pentekotista. Saingy rehefa tonga eo amin'ny fotoana'ny fitsapana ilay izy, tonga ireo nianatra mamiratra, te-hitovy amin'izao tontolo izao, tahaka ny tamin'ny andron'ny hetsik'i Wesley mihitsy sy ny sisa rehetra amin'izy ireo. Mandeha any am-pianarana izy ireo. Izy ireo—mianatra siansa izy ireo. Ary mianatra an'ireo karazan-javatra hafa rehetra izay miaraka amin'ny fianarana izy ireo. Ary miezaka izy ireo ny mianatra fahaizana momba ny saina. “Ilay zavatra tsara indrindra fotsiny, eny, aza milaza an’ity. Avelao izy ireo hanao an’ity sy itsy. Satria izany dia...” Hitanareo, manangona ianareo ary manorina. Ny—ny—diso ny tanjonareo. Diso ny antonareo. Manorina ho an’ny rafi-pandaminana iray ianareo raha tokony manorina ho an’i Kalvary. Ahoana no ahafahanareo manorina ho an’i Kalvary, nefà tsy mandalo amin’ny alàlan’ny Teny?

<sup>98</sup> “Fa isika dia voasasan’ny ranon’ny Teny.” “Raha mitoetra Amiko ianareo ary Ny Teniko ao aminareo, amin’izay fotoana izay dia angataho izay tianareo.”

<sup>99</sup> Eo no ahitantsika ny faharesen’ny hetsika Pentekotista, satria niala lavitra ny Teny izy ireo. Ny Teny dia hilaza zavatra anankiray; izy ireo dia hiezaka hanao an’io rafi-pandaminana io hiditra ao any ho any. Ary handeha hanalavitra an’io Teny io mihitsy izy ireo, ka mampifanaraka an’izany amin’ilay rafi-pandaminana mihitsy. Ary hitanareo ve hoe lasa aiza ilay izy? Saiky mitovy amin’ny sisa amin’ireo fiangonana ilay izy. Fa avy eo dia mandihy isika ary mihiakiaka, sy miteny amin’ny fiteny tsy fantatra, ary mitsambikina ambony-sy-ambany, mety tsara izy ireo. Mety tsara ny rafi-pandaminan’izy ireo. Manantena aho fa manao ny tenako hazava. Fa ilay zavatra dia, io Feo kely milamina an’ny Teny izay miteny io. Izay ilay izy.

<sup>100</sup> Mandalo fitsapana iray ianareo. Mitsapa anareo tahaka ny Nitsapany an’i Abrahama Andriamanitra. Mitsapa ny Taranak’i Abrahama Izy, taoriany. Ary ankehitriny, ny antony tsy ahazoantsika ny vavahadin’ny fahavaloo, ny antony hisian’ny zavatra betsaka eo anivontsika, dia satria tsy afaka mahatanty an’ilay fitsapana isika. Ary mamele à ahy hiteny zavatra aminareo, tsara ny fitsapan’ny Teny.

<sup>101</sup> Ny antony tsy ahazoantsika, ary tsy hahazo mihitsy isika... ao anatin’ny rafi-pandaminana. Heveriko fa ny Pentekosta dia manana rafi-pandaminana sasantsasany mahafinaritra. Ny sasany amin’ireo lehilahy mahafinaritra indrindra izay izaho...mametraka...mipetraka eto amin’ny tavan’ny tany, dia mikambana ao anatin’ireny—ireny rafi-pandaminana ireny.

<sup>102</sup> Ny Assemblées de Dieu, manana sakaiza aho ao anatiny ao. Oadray! Rahalahy iray any Indiana any mihitsy, handeha aho, hanao favoriana iray, mino aho, any, tsy ho ela. Rahalahy Roy Weed, lehilahin'ny distrika an'ny fanjakan'i Indiana izy. Mino aho fa lehilahy iray araka an'Andriamanitra. Kanefa, lehilahin'ny distrikan'ny Assemblées de Dieu izy.

<sup>103</sup> Foursquare, oh, oadray, firy! Ralph McPherson ary maro amin'ireo rahalahy ireo, izay lehilahy araka an'Andriamanitra, tsy misy na inona na inona eo amin'ny fiainan'izy ireo. Lehilahy tsara izy ireo.

<sup>104</sup> Any anatin'ny an'ny Tokana any, izay iantsoan'izy ireo ny tenany, an'ny Tokana. Na, ankehitriny, tsy mihevitra aho... Izy ireo dia miantso an'izany hoe fiangonana ny Anaran'i Jesosy. Jack Moore, miantso anankiray fotsiny avy amin'ny... Misy an-jatony amin'izy ireo, lehilahy mahafinaritra, lehilahy tsara, lehilahy araka an'Andriamanitra.

<sup>105</sup> Saingy ny zavatra amin'ilay izy, rahalahy, dia ity, rehefa mifikitra eo amin'io rafi-pandaminana io ianareo. Hitanareo? Mandray an'ireo rafi-pandaminana ireo Andriamanitra, ary—ary lavo ny tsirairay avy. Jereo izy ireo, mandadilady ny avy amin'izao tontolo izao. Jereo ireo vehivaviny. Jereo ireo lehilahiny. Jereo ireo toerany. Afaka manondro aminareo aho, ireo olon'ny Assemblées de Dieu izay manana an'ireo diakona ao amin'ny komitiny, izay manambady indroa na intelo, ireo mpitory teny manao hadalana. Ireo vehivavy miaraka amin'ny volony tapaka, manao sorta, lokon-tarehy, nefà mbola milaza foana fa manana ny Fanahy Masina, miankina amin'ny porofon'ny fitenenana amin'ny fiteny tsy fantatra, na mitsambikina ambony-sy-ambany, na mihiakiaka.

<sup>106</sup> Diso an'io Feo kely milamina an'ny Teny io izy ireo. Io Teny io no mihazona anareo hisavily eo amin'ny hazo fijaliana. Eo no mipetraka izany. Izany no antony tsy ananantsika an'ireo mpaminany tena izy ao amin'ny fiangonana amin'izao andro izao, tahaka an'i Agabo.

<sup>107</sup> Izany no antony, ilay fiangonana amin'izao andro izao, izy ireo—zara izy ireo raha manaja ny fitenenana amin'ny fiteny tsy fantatra rehefa miteny ny olona iray, satria efa nandre sandoka marobe sy fahadalana izy ireo, hany ka tsy fantatr'izy ireo hoe inona no marina sy ny diso ao amin'izany.

<sup>108</sup> Hevitra an-tsaina fotsiny ihany ireo fandikana, milaza zavatra iray fotsiny ny olona iray satria mahatsapa ho voatarika izy. Tsy izany no fandikana. Ny fandikana; tsy hoe mitsangana ny olona iray ary miteny amin'ny fiteny tsy fantatra, mitsangana ny anankiray hafa afaka minitra vitsy ary mandika an'izay nolazainy. Rehefa miteny ny anankiray, dia mandika eo no ho eo ilay hafa, milaza teny amin'ny teny, fitenenana iray ihany, ny zavatra rehetra mitovy. *Ity* olona ity dia mety maminany, saingy

tsy izany no fandikana. Ny sasany amin'izy ireo, *ity* dia karazana feo iray manome zavatra iray, *ity* aoriania eto ity manome zavatra hafa. Ary ny anankiray milaza teny folo, ny iray hafa milaza teny dimampolo aorian'izany, ho an'ny fandikana iray.

<sup>109</sup> *Mandika* dia midika hoe “milaza, teny-amin’ny-teny.” Raha Tenin’Andriamanitra iray ilay izy, dia tsy maintsy tonga, teny amin’ny teny; fitsipika anampy fitsipika, fitsipika anampy fitsipika. Tahaka an’izany no tokony ahatongavan’ny Teny.

<sup>110</sup> Fa inona no efa hitantsika? Sandoka marobe! Ary izany no nataon’izy ireo, mba, raha tokony hijanona amin’ny Teny, dia izany no apetrak’izy ireo ao. Vantany vao manao an’izany ny olona iray, dia niantso azy ho Pentekotista iray izy ireo. Ary fantatrareo izay mitranga.

<sup>111</sup> Rehefa tonga ny fitsapana, ilay fotoan’ny fitsapana, dia amin’izay fotoana izay no manomboka ilay Taranaka, izany no maneho hoe iza no Taranaka ary iza no tsy izy. Ankehitriny, tsy nampaninona izay niseho, nianonona tamin’ny Teny i Abrahama, ilay teny fikasana.

<sup>112</sup> Fa tsy afaka manao an’izany ny rafi-pandaminana amin’izao andro izao. Ary ny sasany amin’ireo rahalahy sarobidy izay mikambana amin’ireo rafi-pandaminana ireo, aza mifanaraka amin’izy ireo indray mandeha ianareo, dia fantatrareo fa vita ny aminareo. Firy aminareo?

<sup>113</sup> Tsy milaza aho, ato amin’ity tranobe ity ankehitriny, saingy firy no efa tao amin’ny biraoko, firy no efa niaraka tamiko, nanao hoe, “Rahalahy Branham, fantatray fa izany no Fahamarinana. Saingy raha voaroaka izahay eto, dia inona no hataonay?”

<sup>114</sup> Rahalahy, inona no hataonay? Mifikira eo amin’ny Kalvary, mifikira amin’ny teny fikasana, mifikira amin’ny hazo fijaliana, tsy mamparinona.

<sup>115</sup> Ary ao anatiny ao, dia manana ny sasany amin’ireo lehilahy mahafinaritra indrindra izy ireo. Hitanareo? Fa ny ezahako atao, dia ny milaza, fa tsy maintsy tsy hahomby izany. Efa tsy nahomby foana izany ary tsy hahomby foana. Fa ilay izy dia, na tsy mahomby ianareo na tsia, miaraka amin’Andriamanitra, dia hazony ny Tenin’Andriamanitra sy ny Fampanantenany, aloha. Hotsapaina amin’Izany ianareo.

<sup>116</sup> Hanao sonia taratasy ianareo, hoe hanao an’ity ianareo na hanao an’itsy. Na dia manohitra ny Teny aza, dia mbola hanao sonia an’izany foana ianareo. Marina izany. Ao am-ponareo, dia fantatrareo fa diso ilay izy. Izany io Feo kely milamina miteny io, io Teny io. Tsy mahagaga raha tsy afaka mandroso isika, nohon’ny zavatra nitranga. Nanasaraka ny tenanareo tamin’io Feo kely milamina io ianareo. Nandositra haingana loatra ianareo. Niantso anareo Andriamanitra, saingy nandositra haingana loatra ianareo, satria nierona ireo kotrokororana, nangelatra ireo tselatra, nihozongozona ilay tendrombohitra.

<sup>117</sup> Tsy nampihetsika an'i Elia mihitsy izany, io mpaminany io. Nila an'io Feo io izy, aloha. Hoy izy hoe, "Handry eto mihitsy aho."

<sup>118</sup> Tena maro amin'izao andro izao, no nanomboka, an'ireo asam-panasitravana, fampitahana ara-nofo, ireo karazan-javatra rehetra, sy fahatsapana izay tsy miseho ao amin'ny Tenin'Andriamanitra mihitsy akory aza. Marina izany. Inona izany? Isika dia tokony hihira an'ilay hira hoe, "Ireo izay miandry ny Tompo. Avelao aho hanetry ny fireharehako ka hiantso Ny Anaranao. Avelao aho hiandry, Tompo, mandrapandrenesako an'io Feo kely milamina io." Ary ho Feo aratSoratra iray io Feo io. Hiteny marina tokoa miaraka amin'ny Teny Izy. Amena. Eny àry.

<sup>119</sup> Nahita, fa Abrahama taorian'ny nametrahana azy, nantsoina nivoaka, voasaraka tamin'ireo malalany, tamin'ny fianakaviany, tamin'ny ankohonany, tamin'ny havany, nankao amin'ny tany vahiny iray. Tamin'ny finoana no nanaovany an'izany. Noho izany, satria nanao an'izany izy, dia nomen'Andriamanitra azy ny famoràna, mba hanaporofo fa zanak'Andriamanitra izy, hoe nino Azy izy satria nino ny teny fikasana. Kanefa, tsy afaka izy, tsy nahita an'izany ara-boajanahary izy, saingy nanambara hoe, "Ny zavatra rehetra mifanohitra amin'ny Tenin'Andriamanitra dia lainga." Tsy mampaninona na porofo firy no miseho, mbola lainga foana izany.

<sup>120</sup> Halako ny milaza an'ity, saingy tsy maintsy hilaza aho. Jereo. Ary raha alainareo ireo vehivavy, hilaza an'ilay izy ho an'ny zavatra anankiray izay hita maso aho, azo jerena, izay mihambo fa manana ny Fanahy Masina, nefo tsy maotina betsaka mba—mba hamela ny volon'izy ireo haniry, dia misy zavatra tsy mety any ho any. Ny vehivavy iray izay hanao fitafian-dehilahy, ary mitondra an'izany, nefo hoy ny Baiboly hoe, "Izany dia fahavetavetana amin—amin'Andriamanitra, ny vehivavy iray manao fitafian-dehilahy." Ary avy eo ve dia mihambo ianareo fa manana ny Fanahy Masina nefo manao an'izany?

<sup>121</sup> Niresaka teo amin'izany aho indray andro tany Oregon. Nisy vehivavy iray nanoratra taratasy goavana be iray tamiko. Hoy izy hoe, "Ranadahy Branham, manana asam-panompoana iray mahafinaritra ianao, saingy azo antoka fa manimba an'izany ianao." Hoy izy hoe, "Ankehitriny, ahoana ny amin'ny . . ." Hoy izy, "Manao akanjo fitondra miasa foana aho." Hoy izy, "Ahoana ny amin'ny fivoahana eo amin'ny zaridaina mba hanongotra ahitra ny—ny zaridaina iray, nefo manao akanjo iray. Tsy mihevitra ve ianao fa ho tsaratsara betsaka kokoa ilay izy raha miaraka amin'ny akanjo fitondra miasa noho ny ho, na salôpety, na inona ilay izy, noho ny manao akanjo iray?" Dia hoy izy, "Jereo, mitaingin-tsoavalý miakatra any amin'ireo tendrombohitra miaraka amin'ireo zazalahy aho rehefa mandeha miandry ny biby fiompy izy ireo, ary," hoy

izy, "miditra ao amin'ireo faritra feno moka aho." Hoy izy, "Ankehitriny, miaraka amin'ny—miaraka amin'ny akanjo iray, dia hihinana ahy tanteraka izy ireo. Miaraka amin'ny akanjo fitondra miasa dia tsy manelingelina ahy izy ireo."

<sup>122</sup> Hoy aho hoe, "Izany dia mahia kokoa noho ny ron-kena vita avy tamin'ny alok'akoho iray izay matin'ny hanoanana. Mamindrà fo! Tsy misy Tenin'Andriamanitra anankiray mikasika an'izany. Hevitrao manokana izany."

<sup>123</sup> Hoy Andriamanitra hoe, "Aoka ny teny rehetra ho lainga, fa ny Azy ho marina." Manao akanjo ny vadiko. Manongotra ahitra ao amin'ny zaridaina izy. Tsy manana olana mikasika an'izany izy. Ary, na ahoana na ahoana, ny vehivavy iray dia tsy manandrahara hiaraka amin'ny andian-dehilahy iray any, miandry biby fiompy, na ahoana na ahoana. Tokony ho ao an-dakozia izy izay azy. Marina izany.

<sup>124</sup> Miezaka hahita fialan-tsiny iray fotsiny izy ireo, saingy tsy misy anankiray. Mazava ny Tenin'Andriamanitra, ary ny vehivavy iray izay nateraky ny Fanahin'Andriamanitra dia hanaiky. Ary ny lehilahy iray izay nateraky ny Fanahin'Andriamanitra dia tsy hamela ny vadiny hihetsika tahaka an'izany. Inona no Nolazainy? "Izay maka, manapaka ny volony, dia mahafa-boninahitra ny lohany." Ary ny vadiny no lohany. Mahafa-boninahitra izy.

<sup>125</sup> Tsaratsara kokoa amiko ny mangina. Eny àry. Ankehitriny, hitanareo, hitanareo, ampy izay. Fantatrareo izay resahako.

<sup>126</sup> Tsy milaza an'izany amin'ny alàlan'ny hasomparana aho. Raha milaza an'izany amin'ny alàlan'ny hasomparana aho, dia hamindra fo amin'ny foko mpanota anie Andriamanitra; aoka aho handohalika eto amin'ity alitara ity, hibebaka.

<sup>127</sup> Milaza an'izany aho satria, ry sakaiza, tiako ianareo. Ary miezaka miteny aminareo an'izay fahamarinana aho, ary izany dia ny Tenin'Andriamanitra. Tokony hihaino an'io Feo kelin'Andriamanitra io isika, mba hifanaraka amin'ny Teny. Mandalo fotoan'ny fitsapana iray isika. Haleloia!

<sup>128</sup> Efa fantatrareo ve fa aorian'ny ahatongavan'io fotoan'ny fitsapana io, io mpitaiza an'io zanaka izay teraka tao amin'ny fianakaviana iray ara-anaram-piagonana io? Raha nahatanty an'ilay fitsapana izy ka nijanona miaraka tamin'ny fanirian'ny rainy, amin'izay fotoana izay dia nentina io zazalahy io ary nampitafiana akanjo iray, ary avy eo dia misy lanonana iray voalaza. Ary apetraka ao amin'ilay fianakaviana izay nahaterahany avy eo io zazalahy io.

<sup>129</sup> Izany ny olana amin'ireo Pentekotista antsika amin'izao andro izao. Mitsambikina eto sy etsy fotsiny izy ireo, ary ireo rafi-pandaminantsika dia hisintona azy ireo eto amin'ity sy eto amin'itsy. Tsy mijanona amin'ny Teny izy ireo.

<sup>130</sup> Raha hijanona amin'ny Teny ianareo, amin'izay fotoana izay Andriamanitra, dia mahita, "Raha mitoetra ao Amiko ianareo, ary Ny Teniko ao aminareo," ny Azy, dia tsy afaka manda an'Izany Izy. Izany No Teniny. Noho izany dia hisy fotoana iray, indray andro, izay hitondrana anareo hivoaka sy hapetraka mitokana, ary homena zavatra iray izay tena izy, haleloia, ny herin'Andriamanitra Tsitoha.

<sup>131</sup> Satria, miandry an'ireo Zanany Andriamanitra, saingy tsy hilahatra fotsiny izy ireo, rehefa tonga eo amin'io fotoan'ny fitsapana io izy ireo. Hanaiky an'izany ve ianareo? "Eny, handroaka ahy ny fiangonako." Eny àry. Eo ianareo izao. Noho izany, dia mandehana. Tsy Tarakanak'i Abrahama izany. Ny Tarakanak'i Abrahama dia tsy mihetsika tahaka an'izany.

<sup>132</sup> Tarakanak'i Abrahama! Ankehitriny, tsy ahoako izay tonga manohitra an'i Abrahama, nijanona tsara tamin'io Tenin'ny teny fikasana io izy, nijanona tsara tamin'izany fotsiny. Tsy mampaninona na toy ny ahoana no nahatongavan'i Saraha, nahatongavan'ireo hafa, nahatongavan'ireo olona samihafa, ny zavatra rehetra, nihevitra an'izany ho toy ny tsy nisy izy. Nijery izy, nino izy fa afaka mahita an'ilay teny fikasana, satria Andriamanitra no nampanantena an'izany taminy, ary izay ihany no nisy tamin'izany. Izany no Tenin'Andriamanitra, nijanona tsara tao aminy.

<sup>133</sup> Noho izany dia Nomeny azy io fitsapana farany io. "Homeko ampanhan-droa izy, ary hizaha toetra azy" Ankehitriny, efa nahazo an'ilay zanaka izy. Hitany fa azony izany. "Saingy hiteny aminy Aho ankehitriny hoe, 'Ento io zanaka io ka vonoy izy.' Ary aoka io zanaka io, rehefa hitany... Hamono an'io zanaka io ve izy? Hizaha toetra azy Aho ankehitriny."

<sup>134</sup> Abrahama, nahatoky tamin'ny Teny! Ahoana, rehefa nandray ny teny fikasana ianareo, dia ahoana no hanakananareo an'ilay zavatra? Ahoana, ahoana no hataonareo?

<sup>135</sup> "Ahoana no mba hanantenanao ho rain'ny firenena, nefà indro ianao fa dimy ambin'ny folo amby zato taona ankehitriny? Abra-... Isaka kely, teo amin'ny efatra ambin'ny folo, dimy ambin'ny folo taona teo. Ahoana no hahatonga anao ho rain'ny firenena nefà dimy ambin'ny folo amby zato taona ianao? Indro ny zanakao lahitokana, nefà ianao mandrava ny porofonao tokana izay anananao." Amena.

<sup>136</sup> "Ahoana no hahavitako an'izany raha miala amin'ny rafipandaminako aho? Ahoana no hahavitako an'izany raha manao an'ity aho?" Oh, henoy io Feo kely milamina io ary manatôna ny Teny, ny Teny.

<sup>137</sup> Hoy ianareo hoe, "Efa nandre feo iray aho niteny tamiko an'ity." Raha mifanohitra amin'ny Teny izany, dia tsy Feon'Andriamanitra. Ny Feon'Andriamanitra dia tonga eo amin'ny Teny.

<sup>138</sup> Noho izany dia nanatona avy hatrany teo amin'ilay Feo i Abrahama, ary ny Feon'Andriamanitra milamina, kely, nankeo amin'ny Tenin'Andriamanitra, dia tsy maintsy manala ny ain'ny zanany manokana.

<sup>139</sup> Hoy Izy hoe, "Ajanony ny tñananao, ry Abrahama. Fantatro fa tia Ahy ianao ankehitriny. Ary ireo rehetra aorianao, haleloia, ireo rehetra izay tonga aorianao, izay manaiky handray Ny Teniko, dia izany no ho Taranakao, ary eo no hahazoan'izy ireo ny vavahadin'ny fahavaloo."

<sup>140</sup> Maniry aho ny afaka hanana fotoana hitenenana aminareo zavatra iray izay nitranga andro vitsy lasa izay, hitanareo, ny amin'izay niseho. Oh, oadray!

<sup>141</sup> "Hahazo ny vavahadin'ny fahavaloo; ny Taranakao aorianao. Abrahama, izay mitahy anao dia ho voatahy, ary izay manozona anao dia ho voaozona." Hoy Jesosy hoe, "Tsaratsara kokoa ny hanantonana vato fikoseham-bary iray eo amin'ny tendanareo, ka hatsipy any amin'ireo halalin'ny ranomasina."

<sup>142</sup> Ary ireto rafi-pandaminana izay mandà an'ireo lehilahy araka an'Andriamanitra ireto, satria nanohana ny Fahamarinana izy ireo, ny Teny, sy ny Fanahy ary ny herin'Andriamanitra, ka nijanona tamin'ny Teny, dia hitanareo ve izay nitranga? Maty an-drano tao anatin'ny ranomasin'ny fanadinoana izy ireo.

<sup>143</sup> "Tsaratsara kokoa ny hanantonana vato fikoseham-bary iray eo amin'ny tendanareo, ka atsipy any amin'ireo halalin'ny ranomasina, toy izay hiteny ratsy ny kely indrindra amin'Ireo voahosotra." Inona izy ireo? Taranak'i Abrahama izay mijanona amin'ny Tenin'ny teny fikasana.

<sup>144</sup> Ny sasany amin'ireo fiangonantsika dia tonga eo amin'ny toerana izay andàvan'izy ireo. Mandà ny fanasitranana avy amin'Andriamanitra izy ireo. Tsy mila an'izany intsony izy ireo ao amin'ny fiangonany. Marina izany. Tsy mila ny fanasitranana avy amin'Andriamanitra intsony ireo rafi-pandaminantsika Pentekotista. Inona izany? Tsy hitanareo ve hoe ahoana no niasan'ilay devoly? Tonga eo izy ary milaza zavatra sandoka sasantsasany tahaka an'izany. Ary lehilahy mahay mihitsy no mihevitra fa ara-panahy izy ireo, ary mijery an'izany, ka manao hoe, "Jereo io anankiray io. Jereo io anankiray io." Tsy mijery an'izany aho.

<sup>145</sup> Raha Taranak'i Abrahama ianareo, dia hijery ny teny fikasan'Andriamanitra, izay nolazain'Andriamanitra mikasika an'izany. Izay ilay izy. Taranak'i Abrahama, mijery teny fikasana iray isika. Tsy ahoako na firy no lavo eto amin'ity sy firy no lavo eto amin'itsy. Mijanona ho marina ny teny fikasana.

<sup>146</sup> Tsy maintsy mandalo amin'ireo fitsapana ireo ianareo. Hitانareo? Eny. Abrahama, notsapaina aloha, ary avy eo dia nasiana tombokase, avy eo dia nomena ny teny fikasana hoe "ny

Taranany hahazo ny vavahadin'ny fahavalolo.” Tiako izany. Noho izany, dia nahazo ny vavahadin'ny fahavalony izy ireo rehefa avy notsapaina.

<sup>147</sup> Ny zavatra amin'ilay izy dia, isika no tsy mahatanty an'ilay fitsapana. Izany no antony tsy ahatantesan'ireo rafi-pandaminantsika an'ilay fitsapana. Tsy izany no sitrapon'Andriamanitra. Izany dia, nitahy an'izany Andriamanitra, saingy tsy izany no sitrapon'Andriamanitra. Satria, hitanareo, manana vondron-dehilahy iray manontolo ianareo eto miaraka amin'ny vondro-kevitra manontolo, ary angoniny miaraka izy ireo ka mivoaka miaraka amin'ny tsara indrindra izay vitan'izy ireo. Hoy ny sasany amin'izy ireo hoe, “*Ity dia lehilahy goavana iray. Tsy afaka mandà ny teniny ianareo.*” Eny, tahaka an'izany no nandrafetana ny fiangonana Katolika, mitovy, teo ambonin'ny andiana mpino mahay. Ireo mahay, mijery an'izany izy ireo, mikezaka mafy an'izany miaraka amin'ny fotoana. Tsy afaka manao an'izany ianareo. Ny zavatra hafa rehetra dia lainga afa-tsy ny Tenin'Andriamanitra.

<sup>148</sup> Tsy njery zavatra anankiray mihitsy i Abrahama afa-tsy ny teny fikasan'Andriamanitra. Tsy nampaninona izay nisy, nijanona tamin'ny teny fikasan'Andriamanitra izy.

<sup>149</sup> Noho izany dia izany no antony tsy ahitantsika intsony. Tsy afaka mahazo ny vavahadin'ny fahavalolo ny rafi-pandaminana iray. Misy fisainana foromporonina be loatra ao anatiny ao.

<sup>150</sup> Tsy maintsy mila isam-batan'olona iray, ny mahazo ny vavahadin'ny fahavalolo. Afaka manao an'izany ianareo raha tianareo. Eny, tompoko.

<sup>151</sup> Ndao isika hanandrana vitsivitsy, mandritry ny minitra vitsy, hahita raha mijanona ao amin'ny Soratra izy ireo.

<sup>152</sup> Ankehitriny, nisy fotoana iray tany Babylona izay nisy sa-sarivongana iray napetraka, tandindona tsara tarehy an'ilay fiangonana Katolika, ary ny rehetra izay tsy niondrika teo amin'io sarivongana io dia nodorana tao amin'ny lafaoro afo. Ankehitriny, fampisehoan-kery iray izany, raha hijanona izy ireo, nefo hoy Andriamanitra hoe, “Aza manana andriamanitra hafa eo Anoloako, na manao sarivongan'ny zavatra iray.” Izany no nolazain'Andriamanitra. Tonga ilay fampisehoan-kery.

<sup>153</sup> Lavo avy hatrany ny sisa rehetra tamin'ny Isiraely. Ary rehefa naneno ny trompetra, ary ny—ary naneno ny valiha, ary ny—ary naneno ny sobaba, nahoana, dia niankohoka teo anoloan'io sarivongana io izy rehetra.

<sup>154</sup> Fa nisy telo tamin'izy ireo izay nanao hoe, “Tsy hanao na inona na inona.” Nandre an'io Feo kely milamina io izy ireo, ary nijanona nilahatra tamin'ny Teny. Inona no nataon'izy ireo? Nijanona tamin'ny Teny.

<sup>155</sup> Ary avy eo, izy ireo—izy ireo—hoy izy ireo hoe, “Raha tsy manao an’izany ianareo... Hanome anareo anjara hafa iray izahay, raha tsy izany dia hatsipinay ao anatin’ny lafaoro afo ianareo.”

<sup>156</sup> Hoy izy ireo, “Ny Andriamanitray dia mahay manafaka anay amin’io lafaoro afo io.” [Elanelana tsy voaraki-peo—Mpand.] “Fa, na izany aza, dia hijanona amin’ny Teny izahay.”

<sup>157</sup> Ankehitriny, rahalahy, ahoana ny aminareo? “Inona no hataoko, Rahalahy Branham?” Mijanònà amin’ny Teny. Mijanònà amin’ny teny fikasana. “Handeha hiala amiko ny fiangonako rehetra.” Mijanònà amin’ny Teny. Tsy maintsy hanjavona izy ireo, ho lasa fotsiny indray andro any, na ahoana na ahoana. Fa, tsy ho Andriamanitra. Mijanònà amin’ny teny fikasana. “Eny, teneniko aminao, handroaka ahy izy ireo.” Mijanònà amin’ny teny fikasana, na izany aza. Mijanònà tsara amin’ny teny fikasana ianareo. Ankehitriny, raha afaka mijanona amin’ny teny fikasana ianareo ary mijanona eo, dia mijanònà tsara miaraka amin’izy ireo arak’izany.

<sup>158</sup> Miombòna amin’ny olona rehetra. Fa ankehitriny eto, ankehitriny, tsy hahazo amin’ny fomba hafa mihitsy ianareo ankoatry ny miombona amin’ny olona rehetra. Tsy maintsy ianareo. Ankehitriny, rehefa lasa tena ratsy izy ireo, tsy maotina izy ireo, amin’izay fotoana izay dia mialà lavitra an’izany. Marina izany. Aza mankany amin’ny tanin’ny fahavaloo. Fa raha mbola miezaka hahazo ny rahalahinareo foana ianareo, dia hafa izay. Hitanareo?

<sup>159</sup> Diniho ankehitriny. Fa tsy hahazo ny hevity ny rafipandaminana mihitsy ianareo, olona anankiray. Tsia, tompoko. Fa, manana ny fitsipiny voapetraka izy ireo hoe, “Izahay dia mino an’ity, teboka!” Raha nanoratra ny foto-pampianaranareo ianareo hoe, “Izahay dia mino an’ity,” faingo, dia ho hafa izay. Ny teboka iray dia midika hoe, “Izahay dia mino an’ity, ary ianareo dia tsy maintsy tonga eto amin’ity ka manisy sonia an’ity taratasy ity, raha tsy izany dia izay ihany ny amin’ilay izy.”

<sup>160</sup> Fa raha hoy ianareo hoe, “Izahay mino an’ity,” faingo, “miampy an’izay rehetra azonay ianarana avy amin’Andriamanitra. Misokatra ho an’ny Fanahy Masina izahay,” amin’izay fotoana izay dia mandroso ianareo, rahalahy. Eny. Ho hafa izany ankehitriny.

<sup>161</sup> Fa, hitanareo, raha manoratra an’ilay izy miaraka amin’ny teboka iray ianareo, ka manome zavatra hafa iray izay miseho Andriamanitra, izany no manaporofa ho Ny Teniny, ny Fahamarinana, dia tsy afaka mihetsika ianareo, satria ilay izy dia “teboka.” Izany no mamarana an’ilay izy. Teo no maty ireo Loterana. Teo no maty ireo Metodista. Teo no maty ireo Batista. Teo no maty ny Presbyterana. Ary eo no maty ny Pentekotista. Marina izany. Marina izany. Maty eo mihitsy izy ireo, jereo

fotsiny, satria izany dia—efa voasoratra izany. Tsy misy na inona na inona izay ianareo—azonareo anampiana amin’izany na hesorina amin’izany. Izany dia—eo izany. Izany no foto-pampianaranareo.

<sup>162</sup> Tsy afaka nanaiky ny fanamasinana ny Loterana. Tsia, tompoko. Efa nilaza izy hoe, “Ny marina ho velona amin’ny finoana.” Tsy i Martin Luther; fa io vondrona izay nanaraka azy io. Marina izany.

<sup>163</sup> Tsy i John Wesley; fa ilay vondrona izay nanaraka azy. Marina izany.

Tsy i Calvin; fa ilay vondrona izay nanaraka azy.

<sup>164</sup> Tsy i John Smith an’ny fiangonana Batista, izay tena nivavaka mafy, tamin’ny andro alina, hany ka nikatona nivonto ireo masonry, ho an’ny fiangonany; ka ny vadiny no tsy maintsy nitarika azy sy namahana azy tamin’ny sotro iray tany, teo amin’ny latabatra. Tsy izy; fa ity andiana Batista izay manaraka azy ity, rafi-pandaminana izay tonga aoriany.

Tsy i Alexander Campbell; fa ireo izay nanaraka azy.

<sup>165</sup> Tsy ilay hetsika pentekotista tany amin’ny voalohany, izay nanana ny zavatra rehetra niraisansa, ka niombona tamin’ny olona rehetra; fa ireo vondrona izay tonga ka nanao hoe, “Tsia. Izahay dia *ity*, ary izahay dia *ity*. Ary *ireto* no fehin-kevitra, ary izao izany!” (“Manasaraka ny tenany, toy ny hoe tsy manana an’ilay Finoana.”) Marina. Izany no nanao an’ilay izy. Eo ilay zavatra ratsy. Amena. Mahatsapa ho mpivavaka aho, izao maraina izao.

<sup>166</sup> Ireo zanaka Hebreo, rehefa avy nahatanty an’ilay fitsapana izy ireo, na hifikitra amin’ny Tenin’ny teny fikasana izy ireo, na tsia, napetraka teo amin’ny fizahan-toetra iray izy ireo. Ary inona no nataon’izy ireo? Nahazo ny vavahadin’ny fahavaloxo izy ireo. Amena. Nahoana? Nijanona teo amin’ny Teny izy ireo.

Mijanòna amin’ny Teny, io Feon’Andriamanitra izay miresaka aminareo io.

<sup>167</sup> Ankehitriny, ny fandanjalanjana rehetra dia nanao hoe, “Ankehitriny, jereo. Babylona, tsy ho samihafa izany. Satria, isika, rehefa miondrika eo anoloan’io sarivongana io isika, dia manompo an’Andriamanitra isika, na ahoana na ahoana. Eny, raha manao an’ilay izy tahaka an’izao isika, ny tiantsika lazaina dia tahaka an’izao.”

Ataovy tahaka ny nilazan’Andriamanitra azy ilay izy.

<sup>168</sup> Ahoana moa raha hoy Andriamanitra hoe, “Ry Mosesy, esory ny kiraronao, ry Mosesy. Eo amin’ny tany masina ianao.”

<sup>169</sup> Hoy izy hoe, “Misaotra Anao, Tompo. Azoko antoka fa mino Anao aho. Hanala ny satroko fotsiny aho, ho solony. Olana

be loatra ny hamaha ny kiraroko.” Ah-hah. Hah! Tsy hety mihitsy izany.

Hoy Izy hoe, “Kiraro.” Izy tsy nanao hoe “satroka.” Marina.

<sup>170</sup> Ianareo dia tsy maintsy tonga, isan’andalana, izay lazain’Andriamanitra, ary milahatra amin’Ny Teniny.

<sup>171</sup> Ankehitriny, rehefa avy nahazo an’ilay fitsapana izy ireo, dia nahazo ny vavahadin’ny fahavalao afo. Hitan’izy ireo, rehefa nandeha hatrany amin’ny farany mihitsy izy ireo, nijanona teo amin’ny Tenin’Andriamanitra, fa azon’izy ireo ilay vavahady. Marina izany. Rehefa . . .

<sup>172</sup> Daniela. Nisy filazana iray nivoaka, ary voasonian’ny Mediana-sy-Persiana, izay tsy azo ovaina, hoe, “Raha nisy olona iray nivavaka tamin’ny andriamanitra hafa iray, dia aoka izy hatsipy ao amin’ny lavaky ny liona.” Ary Daniela dia nahafantatra fa ny Tenin’Andriamanitra dia, ny mivavaka Aminy irery ihany, noho izany dia nosokafany fotsiny ireo varavarankely ary nivavaka na ahoana na ahoana. Ankehitriny, tsy nihataka teo amin’ny zorony iray mihitsy izy. Nosokafany nitodika nankany amin’ny tempoly ireo varavarankely. Tsy menatra ny amin’izany izy.

<sup>173</sup> Ary isika tsy te-hanatanteraka ny fivavahantsika ny Alahady, ary manao zavatra hafa ny Alatsinainy. Na, mino zavatra anankiray ao amin’ny fontsika, tonga eo anatrehan’ny olon-kafa iray ka manao hoe, “Eny, tsy fantatro. Hia, heveriko fa marina ny anao.” Aoka ho izay maha-izy anareo. Raha tsy izany ianareo, dia mialà eo amin’ny polipitra, mialà amin’ny fiangonana. Marina izany. Satria, mpitrosa iray amin’izy roa ianareo. Mijanòna amin’izay maha-izy anareo. Lazao izay inoanareo, amin’izay fotoana izay dia tsy manana na inona na inona ho tohanana ianareo. Mitsangana marina tokoa eo amin’izay marina ianareo. Ny olona rehetra dia mahafantatra ny lokonareo. Hankasitraka anareo ireo lehilahy, ny lehilahy rehetra.

<sup>174</sup> Mety ho ratsy tarehy tahaka ny rehetra any ivelany ny vehivavy iray. Izy dia mety ho goavana, matavy, kely, mahia, mainty volo, maso volontany, manga maso, maso volondavenona; ny anankiray, mankany amin’ny anankiray, ary ny anankiray mankany amin’ny hafa. Saingy raha madio io vehivavy io, ramatoa, dia tsy hisy lehilahy iray eto amin’ny faritra izay tsy hanala ny satrony ho azy ireo, manana ampanhan-dehilahy iray izy ao aminy. Marina. Satria, izy—mamokatra an’izay maha-izy azy izy, ka mankasitraka an’izany ireo lehilahy.

<sup>175</sup> Toy izany koa no hankasitrahan’Andriamanitra ny lehilahy iray izay hijanova amin’izay maha-izy azy, na ireo lehilahy izay manambara ny Kristianisma. Aoka isika ho Kristiana iray, feno ny Fanahy Masina, miaraka amin’ny Tenin’Andriamanitra, raha tsy izany dia adinoy ny mikasika an’izany. Marina. Satria,

raha tsy izany, dia lasa mpihatsaravelatsihy ianareo, ary miaina fiainana iray hafa. Ary mahita anareo mivoaka eto mankany amin'ireo fandihizana ny olona, sy mifoka, ary ireo zavatra tahaka an'izany, nefo mihambo ho Kristiana iray, amin'izay fotoana izay, hitanareo, mametraka vato manafintohina eo amin'ny lâlan'ny hafa ianareo.

<sup>176</sup> Hitanareo ianareo vehivavy, matetika, ahoana fa manapaka ny volony izy ireo sy miakanjo ary mihetsika ao anatin'ireo akanjo ratsy kely ireny, toy ny hoditra manify kely na tahaka an'izany, ary mivoaka eny an-dàlambe, mandehandeha, ny vodikiraro saiky tahaka an'izao ny haavony, midoladola eny an-dàlambe. Izany ve no pentekotista? Amin'izay fotoana izay ireo—ireo fiangonana hafa dia manao hoe, “Mihambo izy ireo fa manana zavatra izay tsy ananany.”

<sup>177</sup> Voaisy tombokase ianareo ary voaisy mariky ny Fanahy Masina. Tsy any amin'ny efitra fandihizana iray ianareo izao hariva izao ary mamihina eo amin'ny sandrin-dehilahy iray, izay tsy vadinarao; ny hariva manaraka, dia miverina ao ampiangonana ka mandihy manerana ny toerana rehetra. Tsy izany no pentekotista. Fihatsarambelatsihy izany. Loto izany.

<sup>178</sup> Tsy aminareo loatra no ilazako an'izany. Fa, fantatrareo, ireto horonam-peo izay atao eto ireto dia mandeha manerana an'izao tontolo izao, noho izany dia mitory fotsiny tahaka azy amin'izao tontolo rehetra izao aho. Rehefa tsapako Andriamanitra milaza hoe, “Milazà zavatra,” dia milaza an'ilay izy fotsiny aho, satria tsy fantatro hoe aiza no handehanan’izany. Miankina Aminy ny mikarakara an'izany. Mijanòna fotsiny amin'ny Teny. Marina izany. Eny àry.

<sup>179</sup> Tsia, tsy hiondrika eo amin'ny filazan’izy ireo i Daniela, na voaroaka avy tamin'ilay rafi-pandaminana izy na tsia. Nijanona tsara teo amin'ny varavarankely izy, ary nijanona tamin'ny Tenin'Andriamanitra. Tsy menatra an'Izany izy.

<sup>180</sup> Inona no nitranga? Natsipin’izy ireo tao an-davaky ny liona izy, saingy nahazo ny vavahadin’ny lavaky ny liona. Nahoana? Voninahitra! Satria Andriamanitra no nilaza fa ny... “Ny Taranakao dia hahazo ny vavahadin’ny fahavaloo.” Na inona na inona ilay fahavaloo, dia azonareo ilay vavahady. Oh, impiry isika no afaka...?

<sup>181</sup> Jereo i Mosesy, nanaraka an'ilay fitsipik'ireo didin'Andriamanitra, nandeha nankany Egypta, toy ny hoe nifanohitra ny zavatra rehetra. Nanana mpaka tahaka sasantsasany izy izay nandeha niaraka taminy. Nandeha izy niaraka tamin'ny anankiroa tamin'ireo—ireo famantarana, mba haneho fa nirahina izy. Nanipy menarana iray, sy ny sisa tahaka an'izany.

<sup>182</sup> Ary indro tonga ireo mpaka tahaka, nanipy ny azy. Inona no azony natao? Tsy misy na inona na inona. Tsy niteny taminy

mihitsy Andriamanitra hoe hanao an'izany izy ireo. Te-hitsapa an'i Mosesy Izy. Izy no Anankiray Izay namela an'i Jana sy Jambra hanipy ny menaranan'izy ireo, na ny tehin'izy ireo.

<sup>183</sup> Noho izany dia nitsangana teo amin'ilay laharan'andraikitra i Mosesy. Nanipy ny tehiny. Nivadika bibilava iray izany. Hoy izy hoe, "Jereo io, ry Farao. Izao no notenenin'ny Tompoko tamiko mba ho tonga, hatao eo anatrehanao."

<sup>184</sup> Hoy i Farao hoe, "Avia eto, ry Jambra sy Jana." Nanipy ny tehiny izy ireo. Nivadika bibilava izy ireo, izay nataon'i Mosesy.

<sup>185</sup> Mena ve ny tarehiny? Tsia, tompoko. Mbola nino foana izy fa Andriamanitra no naniraka azy. Nijanona tamin'io teny fikasana io izy. Ary inona no nitranga?

<sup>186</sup> Izany ilay izy rehefa eo anoloan'ny sasany amin'ireo fivorian'ny kanferansanareo ianareo. Ny tarehinareo dia mety hivadika mena, kely fotsiny. Mijanònà amin'ny Teny.

<sup>187</sup> Inona no nitranga? Tampoka teo, dia tonga io cobra goavana an'i Mosesy io ka nitelina azy ireo. Nanamarina Andriamanitra. Taorian'ny fitsapany, dia hoy izy hoe, "Tiako ianao, amin'ny alàlan'io famantarana io, hamela an'ireo zanaka ireo hivoaka any. Tiako ianao handefa azy ireo hiverina hody, izay misy azy ireo. Midina eto Andriamanitra mba hiteny, naniraka ahy eto hanafaka azy ireo. Tiako izy ireo hiverina." Natsipiny teo izany.

<sup>188</sup> Oh, tonga ilay fitsapana. Mosesy, inona no hataonao, hitodika ve, handeha, hanao hoe, "Eny, mety efa diso aho"? Tsia, tompoko.

Nijoro tsara teo i Mosesy hoe, "Andriamanitra no nanendry an'izao." Voninahitra!

<sup>189</sup> Raha milaza zavatra iray Andriamanitra, dia mijanònà amin'Izany. Tsy mampaninona izay miseho, mijanònà amin'Izany. Raha mandroaka anareo izy ireo ka manao hoe, "Tsy hiara-hiasa isika, tsy hanao an'ity," dia mijanònà amin'Izany.

<sup>190</sup> Nijanona tsara tamin'izany i Mosesy. Inona no nitranga? Nahazo ny vavahadin'ny fahavalony izy. Haleloia. Hoy ny devoly hoe, "Hanitatra an'ilay Ranomasina Maty eo anoloanao aho," saingy nisokatra izany. Tsy afaka nihazona azy ireo tao Egypta intsony izy ireo. Nahazo ny vavahadin'ny fahavaloy. Nahoana? Satria nijanona tamin'ilay fanirahana izay nomen'Andriamanitra azy izy. Ireo didin'Andriamanitra, nijanona tamin'ny Tenin'Andriamanitra izy ka nahazo ny vavahadin'ny fahavaloy.

<sup>191</sup> Josoa, rehefa avy nandalo fitsapana iray izy. Efa tany izy, angamba, ary nilomano niampita an'i Jordana, izy sy Kaleba, niaraka tamin'ireo mpisafo tany. Rehefa niverina avy tany Jordana izy, dia tonga tao Kadesy-Barnea izy ireo. Ary hoy izy rehetra hoe, "Oh, raha manomboka isika, dia handrava ny

rafi-pandaminantsika ho potipotika izany. Tsy afaka hiditra fotsiny isika.”

<sup>192</sup> Tsy maty io fanahy io. “Oh, tsy afaka manana an’Izany isika. Raha mampianatra an’Izany amin’ny vahoakantsika isika, dia inona no hataontsika? Handroaka saiky ny antsasaky ny diakona mihitsy isika, ao amin’ny fiangonana, ho any ivelany. Nanambady indroa izy ireo, intelo. Inona no hataontsika? Isika, nahoana, raha niteny an’ireo vehivavintsika isika hoe tokony hanao volo lava izy ireo, dia fantatrareo ve izay hataon’izy ireo? Hiala amin’ny fiangonana izy ireo. Ary inona no hataontsika? Nahoana, ho heverina ho lamaody antitra fotsiny isika.” Jesosy dia lamaody antitra, ihany koa. “Tsy afaka manao an’izany isika. Tsy afaka manao an’izany isika. Sarotra loatra izany ho antsika.”

<sup>193</sup> Fantatrareo hoe hatraiza no ahatongavan’ny mpino mpanara-driandrano iray. Hebreo, ny toko faha-6, dia manazava an’izany. “Izay nohazavaina indray mandeha, natao ho mpandray anjara amin’ny Fanahy Masina, nefo lavo avy eo, mba hanavao ny tenany indray.” Tonga teo amin’io sisin-tany io izy ka nandà ny hiampita, izay ilay izy, nandà ny hino tanteraka.

<sup>194</sup> Satria, inona no nataon’i Kaleba? Inona no nataon’i Josoa? Hoy izy hoe, “Mahay mihoatra noho ny maka azy isika.” Nahoana? Nijanona tamin’izay nampanantenain’Andriamanitra izy ireo.

<sup>195</sup> Nahoana, nilaza izy ireo, hoy ireo hafa hoe, “Eny, olom-be izy ireo. Voahodidina manda izy ireo. Izy ireo dia tahaka an’ity. Nahoana, tsy afaka mikasika azy ireo isika, tsy misy fomba.”

<sup>196</sup> Hoy Josoa hoe, “Mahay mihoatra noho ny mahavita azy isika. Milamina, ianareo vahoaka! Mangina! Mipetraha!” Amená.

<sup>197</sup> Teneniko aminareo, ny finoana dia ao anatin’ny zavatra iray goavana be, rehefa tonga eo amin’ny Tenin’Andriamanitra ilay izy. Tsy matahotra izy arak’izany. Ny finoana dia manana volo eo amin’ny tratra, hozatra goavana. Izao no lazainy hoe, “Mangina!” Ny zavatra hafa rehetra dia mifitsaka eny amin’ny zorony, marina izany, rehefa miteny Andriamanitra. “Raha mitoetra ao Amiko ianareo, ary Ny Teniko ao aminareo, dia lazao izay tianareo.” Eo ianareo izao. Oh, tiako izany. Ham!

Hangovitra ny devoly, ary hifoha ireo mpanota;  
ny Finoana an’i Jehovah dia hampangovitra ny  
zavatra rehetra.

<sup>198</sup> Ahoana no ahafahanareo hanana finoana nefo fantatrareo fa tsy miasa ianareo, tsy mandeha ao amin’Ny Teniny, nefo fantatrareo fa misy zavatra eo izay tokony ho lazainareo nefo tsy lazainareo ilay izy? Misy zavatra eo izay tokony hampianarinareo nefo tsy ampianarinareo ilay izy. Misy zavatra eo izay tsy azonareo lazaina, ary ahoana no ahafahanareo hanana finoana nefo fantatrareo fa diso ianareo?

<sup>199</sup> “Raha tsy manameloka antsika ny fontsika.” Eo ianareeo izao. Eo ianareeo izao. Fa mijanòna amin’io Teny io, izay tsy misy na inona na inona voaheloka. “Tsy misy fanamelohana ho an’ireo izay ao amin’i Kristy Jesosy, izay tsy mandeha araka ny nofo fa araka ny Fanahy.” Ny Fanahy no mitarika ny Teny, satria ny Fanahy dia afaka mivoaka avy ao amin’ny Teny fotsiny ihany, satria Ny Teniny dia Fanahy. Ary Izany dia afaka fotsiny ihany... Ny tena Fanahin’Andriamanitra marina dia afaka miteny ny Tenin’Andriamanitra fotsiny ihany. Oh, oadray! Oadray, oadray!

Mialà, ry izao tontolo izao. Satana, mialà aminay.

<sup>200</sup> Aza matahotra ny hilaza amin’io tendrombohitra io hoe, “Mifindrà.” Lazao ilay izy. Mijanòna eo, diniho izy mitresatresaka. Marina izany.

<sup>201</sup> Fa raha manana fanamelohana iray ianareeo eo, dia tsaratsara kokoa ho anareo—tsaratsara kokoa ny mipetraka tsara. Mingonongonona fotsiny ianareeo amin’izay fotoana izay. Tsy milaza ny fahamarinana ianareeo. Tsy milaza an’ireo zavatra izay tokony holazainareo ianareeo. Eny àry.

<sup>202</sup> Hitantsika àry fa Josoa, rehefa avy nandalo an’io fitsapana io izy, dia hitany ilay porofon’ny tany tsara iray, ary nitsangana teo izy tao Kadesy-Barnea ary niteny nanohitra azy rehetra ireo, ka nanao hoe, “Mahay mihoatra noho ny maka azy isika. Afaka maka azy isika.” Inona ilay hevitra? Miampita.

<sup>203</sup> Inona ny hevitr’i Mosesy? “Maneho an’io famantarana io ary mitondra an’ireo zanaka hivoaka.” Ary toy ny hoe tsy nahomby ilay izy. Saingy nijanona tamin’ny Teny izy, ka tsy afaka nihazona azy ny vavahadin’ilay Ranomasina Maty. Niampita an’izany avy hatrany izy. Nahazo ny vavahadin’ny fahavaloo izy.

<sup>204</sup> Josoa, nijery an’ilay teny fikasan’Andriamanitra, nanao hoe, “Mahay mihoatra noho ny maka azy isika.” Marina izany. Ary rehefa nidina teo Jordana izy, dia inona no nataony? Nisaraka izy. Amena. Izay ilay izy. Nahazo ny vavahadin’ny fahavaloo izy. Nanakana azy tsy hiampita sy haka an’ilay teny fikasana io Jordana io. Saingy rehefa tonga teo izy, dia izy no Taranak’i Abrahama. Nahoana? Nino ny Tenin’Andriamanitra izy. Izany ihany no fomba tokana ahafahanareo ho lasa Taranak’i Abrahama iray, dia ny mino ny Tenin’Andriamanitra. Ary avy eo dia inona no nataony rehefa tonga teo amin’izay nahavonona azy haka an’ilay fahavaloo izy? Nanokatra ny vavahady Andriamanitra, ary azony izany, nalaindy izany, niampita.

<sup>205</sup> Rehefa ilay ady voalohany, ny fifanoherany voalohany izay nananany niaraka tamin’izy ireo, tena goavana ireo rindrina ka afaka nanao hazakazaka kalesy teo an-tampony izy ireo. Ahoana no hidirany mba haka azy ireo? Nandositra azy izy ireo, niverina nankao anatiny. Ny fahavaloo dia hanao, ihany koa. “Fa ianareeo haka ny vavahadin’ny fahavaloo.”

<sup>206</sup> Hoy izy, “Tompo, inona no tokony hataoko?” Nandeha teo izy, indray tolakandro, nisaintsaina. Nahita Lehilahy iray nitsangana niaraka tamin’ny Sabany voatsoaka izy. Namoaka ny sabany i Josoa, nanao hoe, “Momba anay ve Ianao? Momba ny fahavalonay ve Ianao?”

Hoy Izy hoe, “Izaho no Kapitenin’ity tafika ity.”

“Inona no tokony hataoko?”

<sup>207</sup> “Mandehana manodidina azy, intelo ambin’ny folo. Mitsofa trompetra iray. Haka ny vavahadin’ny fahavalao ianao.”

<sup>208</sup> Nirodana izy. Eny, tompoko. Nahoana? Taranak’i Abrahama izy, izay nihazona ny Tenin’Andriamanitra. Nalainy ny vavahady rehetra izay tonga teo aminy. Izany tokoa.

Efa miha-tara izao. Tsy maintsy mijanona aho.

<sup>209</sup> Jereo, ireo mahery fo sarobidy rehetra ireo, manana pejy iray feno azy ireo aho voasoratra eto. Fa ireo mahery fo sarobidy rehetra ireo, ireo zavatra izay nataony, maty izy ireo tamin’ny farany.

<sup>210</sup> Fa avy eo dia tonga ilay tena Taranaky ny finoana, ilay Taranaka Mpanjaka an’i Abrahama, Jesosy, teny fikasana iray. Abrahama dia nanana an’i Isaka, marina, araka ny nofo, fa ilay tena Taranaka dia tsy tao anatin’io rafitry ny rafi-pandaminana io. Izany dia tao anatin’io teny fikasan’ny Tenin’Andriamanitra io, hoe Izy no hanao azy ho rain’ny firenena, tsy amin’ny alàlan’i Isaka, fa amin’ny alàlan’ilay Taranaka Mpanjaka, Jesosy. Io ilay Taranaka Mpanjaka, izay, marina tokoa, ilay Taranak’i Abrahama. Jesosy dia tsy Jiosy, ary tsy Jentilisa koa Izzy Andriamanitra Izzy. Hitanareo? Ny . . .

<sup>211</sup> Ianareo Katolika eto, hotahiana anie ny fonareo. Fa rehefa manompo an’i Maria ho andriamanibavy iray ianareo, dia inona ny olana aminareo, na ahoana na ahoana? Tsy misy afa-tsyz vehivavy iray fotsiny i Maria. Andriamanitra no nifidy azy. Fikotrehana iray izy. Izay ihany. Fikotrehana iray, izany ny vehivavy iray, saingy mikambana amin’ilay voan’ny lehilahy izy.

<sup>212</sup> Fa, mpanatrika mifangaro iray izao, saingy tsy maintsy milaza an’ity aho mba hahazoanareo an’izay resahako. Ankehitriny, ianareo dia mihaino ny—ny dokoteranareo, ary rahalahinareo aho. Azo antoka, afaka ianareo.

<sup>213</sup> Tsy nisy atody avy tamin’i Maria tao amin’i Kristy. Tsy nisy fahatsapana ara-pananahana teo rehefa nanaloka azy ny Fanahy Masina, na kely aza. Fa Andriamanitra Tsitoha, ilay Mpamorona, no namorona an’ilay selan-dRà sy ilay atody. Ham! Raha atody avy tamin’i Maria ilay izy, amin’izay fotoana izay dia tsy hitsangana ny maty.

Voninahitra! Vao tonga mihitsy izany. Vao azoko mihitsy izany.

<sup>214</sup> Noho izany raha milaza ianareo fa tsy misy fahasamihafana izany, amin'izay ataontsika, amin'izay fotoana izay dia nahoana Andriamanitra no niteny tamintsika mba hiala amin'ireo zavatra ratsy? Nahoana Andriamanitra no nanangana ny vatan'i Jesosy, raha tsy izany ilay izy? Noho izany, hitanareo, tsy mety nisy vehivavy iray nifandray tao anatin'izany. Raha nisy, amin'izay fotoana izay dia tahaka ny Reniny ny Vatany, Maria, satria nanana firaisansa ara-nofo izy tamin'ny alàlan'ny fanalofan'ny fanahy iray izay nanao azy ha—hamoaka tsirin'aina, ary diso ilay izy. Ny Fanahy Masina, tamin'ny famoronana madio, haleloia, teo no Namoronany ny tsirin'ain'ny lehilahy sy vehivavy.

<sup>215</sup> Jesosy ve niantso azy hoe “reny”? Tadiavo ao amin'ny Soratra izany. Izy dia niantso azy hoe “ravehivavy.” Haleloia! Ravehivavy! (Vaovao izany. Izany no antony anaovany azy tahaka ny ataony.) “Ravehivavy, indro ny zanakao.” Antapitrisany maily akaiky azy kokoa noho Izy.

<sup>216</sup> Andriamanitra Izy. Izy dia sady tsy Jiosy no tsy Jentilisa. Andriamanitra Izy, sady nofo no vatana, Andriamanitra nonina tao Aminy. Andriamanitra nonina tao anatin'ny tsirin'ain'ny vehivavy iray ve? Tsy azo atao izany. Io tsirin'ain'ny vehivavy io dia tsy maintsy nanana zavatra hatao tamin'ny nofantsika. Fa ilay izy dia ilay Rà miampy an'ilay tsirin'aina, no nalofan'Andriamanitra.

<sup>217</sup> Afaka nametraka an'izany teo ambonin'ny vodihazo Izy raha Tiany. Eny, tompoko. Afaka nametraka an'izany na aiza na aiza Tiany Izy.

<sup>218</sup> Fa nitondra an'izany Izy satria lavo ny vehivavy. Avy tao no nivoaka ilay Zanak'Andriamanitra velona madio, noforonina, nateraky ny virijiny, sady vatana no fanahy.

<sup>219</sup> Nahoana i Davida no nilaza hoe, “Tsy hahita Ny Masiko Aho... hamela Ny Iray Masiko hahita ny lò, Ny Iray Masiko hahita ny lò. Sady tsy hahafoy ny Ainy ao amin'ny helo Aho”? Davida no nilaza an'izany. Hitanareo? Sady aina, vatana, ary fanahy, no noforonin'Andriamanitra, tamin'ny Alàlany.

<sup>220</sup> Tsy reny iray ilay vehivavy. Vehivavy iray izany. Mino aho fa vehivavy tsara, masina izy. Tanteraka tokoa. Tsy fikotrehana iray mihitsy izy. Tsy nifidy fikotrehana maloto mihitsy Andriamanitra. Raha sitraky ny Tompo, dia history eo amin'izany aho rahariva, saingy, “Inona ny fikotrehana maloto ratsy antitra iray?” Mba hitondrana Ny, mba hitondrana Ny Zanany teto an-tany, Izy dia nifidy “virijiny iray tsy nahalala lehilahy iray.” Tsy nanana famoahana tsirin'aina koa izy na zavatra hafa rehefa nanaloka azy ny Fanahy Masina. Satria, Andriamanitra, tao amin'ny Fombany madio, tsi-manam-petra, no namorona tao anatiny: aina, vatana, ary fanahy, an'i Jesosy

Kristy. Marina izany. Izy no Zanak'Andriamanitra nateraky ny virijiny.

<sup>221</sup> Inona no nataon'izany? Izany no nanapaka ny vavahadin'ny fahavalо. Haleloia! Fioo! Lasа tsara izany, ho ahy. Jereo. Nahoana? Nanapaka ny vavahadin'ny fahavalо teo no ho eo Izy, mba ny olona rehetra izay teraka tao amin'ity izao tontolo izao ity tamin'ny alàlan'ny filàna ara-nofo, izay tsy afaka nandeha any An-danitra satria ny fananahana no nanomboka an'izany tany amin'ny voalohany, tao amin'ny sahan'i Edena, izany no antony nanaronan'izy ireo ny tenany. Rehefa nanao an'izany Izy, dia Notapahany roa teo no ho eo io zavatra io, ary azony ny vavahadin'ny fahavalо. Tamin'ny inona? Naka an'ilay Taranaka Mpanjakan'i Abrahama, tamin'ilay fotoana voalohany mihitsy, ary nanorotoro azy hatrany amin'ny fanambaniny. Ilay Taranaka Mpanjaka an'ny finoana sy teny fikasana, tsy famoronana iray an'i Maria, fa an'Andriamanitra, no nanapaka an'ireo vavahady. Izany hoe, mamela ny olombelona handalo amin'ilay vavahady. Voninahitra ho an'Andriamanitra!

<sup>222</sup> Inona no Nataony? Avy eo dia naka ny vavahady rehetra an'ny fahavalо. Nalainy ny vavahadin'ny aretina. Tsу afaka hisy ny aretina eo amin'Ny Fanatrehany. Tsia, tompoko. Tsу misy zavatra hafa koa afaka hisy eo amin'Ny Fanatrehany. Tsу afaka mijoro eo amin'Ny Fanatrehany ny laharana iray an'ny fiaram-pandevenana. Tsia. Inona no Nataony?

<sup>223</sup> Maty i Josoa. Maty i Mosesy. Ny sisa rehetra tamin'izy ireo dia maty, afa-tsy io Taranaka Mpanjaka io. Tsу afaka nijoro teo amin'izay nisy ny Fiainana ny fahafatesana.

<sup>224</sup> Ilay vehivavin'i Naina, nandeha niaraka tamin'ny zanakalahiny. Nijanona ka nanao hoe, "Mitsangàna, anakà."

<sup>225</sup> Ilay zazavavy izay efa maty, zanakavavin'i Jairo, niteny teny iray Izy tany nankany amin'ilay izao tontolo izao tsy fantatra tany, ka nanao hoe, "Ry zanakavavy, mitsangàna."

<sup>226</sup> Lazarosy, efa maty efatra andro ka lò ny vatany, ary ny ainy efa niala taminy, nandrity ny efatra andro. Hoy Izy hoe, "Lazarosy, mivoaha." Voninahitra!

<sup>227</sup> Io Izy. Inona no Nataony? Novahany ireo tombokasen'ny zavatra rehetra. Haleloia!

<sup>228</sup> Rehefa tsy maintsy ho faty Izy avy eo, dia tsy afaka nihazona an'io aina io Izy. Tsу afaka ny ho faty mihitsy Izy, saingy tsy maintsy nanolotra an'io aina io Izy. Ary rehefa Natolony io aina io, dia maty tamin'ny fahafatesana iray Izy. Ary ny Ainy sarobidy, araka ny nolazain'ny Baiboly, dia nidina nankao amin'ny helo, mba haka ny toerako sy ny toeranareo. Ilay Taranaka Mpanjaka an'i Abrahama! Ilay inona? Izy no Taranaka Mpanjaka. Oh, voninahitra!

<sup>229</sup> Ankehitriny dia isika ilay Taranaka Mpanjaka, izay, izay mijanona amin'ny Teny, tahaka Azy marina tokoa. "Satria tamin'ny voalohany ny Teny, ary ny Teny tao amin'Andriamanitra; ary ny Teny, dia tonga nofo, ka nonina teo anivontsika." Tsy hitanareo ve hoe aiza no mipetraka ilay Taranaka Mpanjaka? Ilay Taranaka Mpanjaka dia ilay mijanona amin'ny Teny.

<sup>230</sup> Ianareo osa izay manaiky hanao marimaritra iraisana amin'ny devoly, amin'ny lamodiny avy amin'izao tontolo izao. (Tsy miresaka aminareo eto aho.) Any ivelany any, ianareo mpitoky teny izay mahafantatra fa ianareo dia mitory fa efa lasa ireo andron'ny fahagagana, ianareo dia mitory fa tsy misy izany batisan'ny Fanahy Masina izany, mbà menatra ianareo, nefá miantsosy ny tenanareo hoe Taranak'i Abrahama.

<sup>231</sup> Ilay Taranaka Mpanjaka dia mijanona amin'ny Teny. Taranaka Mpanjaka, tsy nateraky ny lehilahy, tsy misy idiran'ny lehilahy sy vehivavy. Ny vehivavy dia ny fiangonana; tsy misy idiran'ny fiangonana. Tsy nisy nidiran'i Maria tamin'ilay Taranaka. Na ny fiangonana koa, mody antsoina hoe rafipandaminana, dia tsy misy idirany amin'ilay Taranaka. Izy dia nateraky ny inona? Tsy tamin'ny rafi-pandaminana iray, tsy Metodista, Batista, Presbyterana, Katolika, Loterana, sy ny sisa.

<sup>232</sup> Fa, naterak'ilay Taranaka Mpanjakan'ny teny fikasan'Andriamanitra, izany ilay anankiray izay maka ny vavahadin'ny fahavaloo. Efa azo izany ho azy. "Satria raha mitoetra ato Amiko ianareo, ary Ny Teniko ao aminareo, dia angataho izay tianareo, fa hatao ho anareo izany." Eo ianareo izao. Teny fikasana iray izany. Efa vita izany.

<sup>233</sup> Ny Ainy sarobidy dia nidina nankany amin'ny helo, izay tokony nandehanako. Fa tamin'io andro fahatelo io... Samsona izay nitondra an'ilay vavahadin'ny tanàna teo an-damosiny, dia tsy nisy nidirany tamin'izany. Izy dia naka an'reo vavahadin'ny helo, ireo vavahadin'ny fasana, ary ny zavatra hafa rehetra. Tsy nitondra an'izany teny an-tendrombohitra Izy, fa Nopotehiny izany. Haleloia! Nahazo ny vavahadin'ny fahavaloo Izy.

<sup>234</sup> Ireo rivotra izay feno ny herin-devoly, eny ambony, ka tsy afaka nidina ireo Anjely na inona na inona. Tsy nety nisy fanelanelanana mihitsy, satria tsy afaka nanaisotra ny fahotana ny ràn'ny osilahy. Fa Ny Ràny manokana no nanaisotra ny fahotana.

<sup>235</sup> Ary niakatra any amin'ny Avo Izy, nitondra olona babo. Nanome fanomezana ho an'ny olona Izy. Ankehitriny, ny tsirairay avy amin'ny Taranak'i Abrahama izay manaiky handoa an'ilay vidiny, ho avy sy hibebaka amin'ny fahotany, hatao batisa amin'ny Anaran'i Jesosy Kristy ho famelàna ny fahotanareo, ho fenoina ny Fanahy Masina indray, ka hahatanty an'ilay fitsapana.

<sup>236</sup> Ary rehefa mamoaka an'izao tontolo izao hiala ao aminareo izy ireo, ireo zavatra izay lasa, ny zavatra rehetra izay diso, ny zavatra rehetra izay toa diso, tahaka an'ireo vehivavy miaraka amin'ny volony, ireo lehilahy miaraka amin'ny hadalany, ary ireo fiangonana miaraka amin'ireo rafi-pandaminany, ary ilay—ary ilay pasitera izay mamalifaly an'ireo diakony, sy—sy ireo karazan-javatra rehetra ireo. Miditra ao ny andian-javatra hafa iray an'izao tontolo izao ary manao pasitera mampalahelo iray, mandroaka azy avy ao amin'ny fiangonana.

<sup>237</sup> Manohiza, pasitera. Andriamanitra hitahy anao. Mijanòna tsara amin'ny Teny. Aza mandray na inona na inona.

<sup>238</sup> Niakatra any amin'ny Avo Izy. Inona no Nataony? Nanao lavaka iray Izy, vavahady iray, izay, ny vavak'io Taranak'i Abrahama io. Nahoana? Nahoana? Raha isika no Vatan'i Kristy, raha maty isika, dia mihevitra ny tenantsika ho maty ka nalevina tao amin'i Kristy, ary nitsangana niaraka Taminy tao amin'ny fitsanganana. Izy no Lohan'ilay Vatana. Eo amin'izay misy ny Loha, dia miaraka Aminy ilay Vatana. Ary noho izany, izao maraina izao, ny tsirairay avy izay nanao an'izany, “dia mipetraka miaraka Aminy ao amin'ireo toerandanitra,” miaraka amin'ilay Taranaka Mpanjaka. Deraina Andriamanitra.

<sup>239</sup> Tsy misy vavahady. Tsy afaka hivavaka *hatreto* ianareo, ka hanao hoe, “Oh, oh, *eto misy* teny iray.” Hah-ah. Hikatona aminareo izy ireo, eo no ho eo.

<sup>240</sup> Fa raha tsy manameloka antsika ny fontsika; raha fantatsika fa mandeha ao amin'ireo didin'Andriamanitra isika; mahita ny fiainantsika voadio tanteraka isika; hitantsika izany; ny Teny rehetra izay nodidian'Andriamanitra, tandremantsika Izany; amin'izay fotoana izay dia azo ireo vavahadin'ny fahavaloo rehetra. “Amin’izay fotoana izay dia angataho izay tianareo, hatao ho anareo izany.” “Hahazo ny vavahadin’ny fahavalony izy.” Oh, rahalahy, ho fiangonana iray toy ny inona izany!

<sup>241</sup> Rehefa miverina eto Phoenix indray aho, raha mameala ahy ny Tompo, manantena aho, rehefa miditra ato amin'ity tabernakla ity aho, dia ho feno ireto dabilio ireto, ary ny dabilio tsirairay ao amin'ny hetsiky ny Filazantsara feno ao amin'ity tanàna ity dia ho feno an'ireo olo-masin'ilay Andriamanitra velona: mitovy amin'ny Kristiana; miresaka tahaka ny Kristiana; mihetsika tahaka an'ireo Kristiana; miaraka amin'ny Fanahin'Andriamanitra mihetsika eo anivon'izy ireo, ka, raha manota ny anankiray, dia miantso an'izany eo no ho eo ny Fanahy Masina.

<sup>242</sup> Hataony izany. Efa nahita an'izany ianareo tao amin'ny laharam-bavaka, tahaka ny teto amin'ny alitara teto. Izay, manao hoe, “Mandehana ianao miverina any ka ahitsihos miaraka amin'ny vadinao izany. Mandehana, teneno ny vadinao

fa tany ivelany ianao, afak'omaly alina, niaraka tamin'io vehivavy io, nipetraka tao amin'ny toerana iray *izao-sy-izao*.” Raha hanao an’izany Izy eto, amin’ny fandehanana ao amin’ny Teny, mihaino an’io Feo kely milamina io, dia Hataony ao aminareeo izany. Taranak'i Abrahama ianareo. Noho izany, tsy misy fahotana.

<sup>243</sup> Ry mpitory teny, tsy ho tianareo ve ny hahita an’izany ao anatin’ny fiangonanareo? Miditra ao amin’ity fiangonana ity, ary mijery manerana *eto*, mahita lehilahy sy vehivavy, araka an’Andriamanitra, masina, mipetraka eo feno ny herin’Andriamanitra mihitsy. Tsy afaka miditra ny fahotana. Ary miditra ny lehilahy iray ka mipetraka, mitsangana ny Fanahy ka manao hoe, “John Jones, ianao dia avy any amin’*izao-sy-izao*, tanàna iray, toerana *izao-sy-izao*. Eto izy mba hahita ny fanasitrana ho an’ny vatany. Hitanareo? Izy dia nanao zavatra *anankiray* tao amin’ny toerana *anankiray*. Izy dia nanao an’ity, ary izy dia naka...manana, amboary indray ity, ahitsio ity, amin’izay fotoana izay vao hanasitrana azy amin’io homamiadana io Andriamanitra. HOY NY TOMPO HOE.” Oadray, oadray!

<sup>244</sup> Omeo fiangonana iray aho, omeo lehilahy folo aho, izay, tena firavak’Andriamanitra marina tokoa, ilay Taranaka Mpanjaka, apetraho miaraka ireo lehilahy ireo, dia diniho izay hiseho. Omeo ahy io trano kely feno olona tahaka an’izany io, dia hasehoko anareo ny Hazavana iray izay hihazakazahan’izao tontolo izao. Marina izany. Izany no tian’Andriamanitra hahazy antsika. “Ianareo dia tanàna iray miorina eo ambonin’ny havoana iray.” Ianareo no Taranaka Mpanjaka an’i Abrahama. “Izany no hahazo ny vavahadin’ny fahavalony.”

<sup>245</sup> Ny aretina, misy antony iray ho an’ny aretina. Misy antony iray ho an’ireo zavatra ireo. Ary Andriamanitra, ny Fanahy Masina, dia eto mba hanambara an’io zavatra io sy hiteny aminareeo hoe nahoana ianareo no tsy mahazo an’izany. Inona ny olana amintsika? Tsy mila manontany isika hoe, “Hataony ve izany.” Efa Ataony izany. Inona no ataonareo?

<sup>246</sup> Diniho io mpaminany io. Tsy nihaino an’ilay rivotra mifofofofo izy hoe, “Voninahitra ho an’Andriamanitra! Haleloia!”

<sup>247</sup> Tsara izany. Ankehitriny, tsarovy, tsy manameloka an’izany aho. Manantena aho fa ny olona rehetra dia mahazo an’izany. Hoy ny olona iray hoe, “Rahalahy Branham dia tsy mino ny filazana hoe, ‘Voninahitra ho an’Andriamanitra! Haleloia!’” Eny, jereo aho eto ankehitriny. Mino ny fikiakiahana aho, fitenenana amin’ny fiteny tsy fantatra, mandihy ao amin’ny Fanahy.

<sup>248</sup> Fa, rahalahy, rehefa diso amin'ny fihainoana an'io Feo kely milamina an'ny Teny io ianareo, dia izany ilay zavatra izay mahazo anareo. Izany ilay zavatra.

<sup>249</sup> Fantatr'i Elia io fifohazana rehetra izay niseho tao ivelany io. Saingy izy dia... Tsy nahasintona azy nankany ivelany mihitsy izany. Fa rehefa nandre an'io Feo kely milamina an'Andriamanitra io izy, tamin'izay fotoana izay izy no voasintona. Ary nanarona ny tavany izy, nivoaka. Nahoana? Elia no Taranak'i Abrahama, nanaraka ny Teny.

<sup>250</sup> "Raha mitoetra ato Amiko ianareo ary Ny Teniko ao aminareo, amin'izay fotoana izay dia angataho izay tianareo, hatao ho anareo izany."

Ndao isika hanondrika ny lohantsika vetivety fotsiny ho an'ny vavaka.

<sup>251</sup> Oh, ry fiangonana, ahoana, rehefa mamarana toriteny tahaka an'izao aho, dia toy ny ahoana no tsapako! Miala amiko ny Fanahy, ary mijery any aoriana aho. Mahita olona izay mangarona ny paosiny tokoa aho ka maka ny sakafon'ireo zanany, mba hanomezana an'izany ho ahy. Mahita an'ireo vehivavy kely aho ato, angamba miaraka amin'ny volo fohy. Inona no hataon'izy ireo? Hanao ny zavatra rehetra ho ahy marina tokoa izy ireo, izay vitan'izy ireo. Lehilahy iray miaina miaraka amin'ny vady iray tahaka an'izany, nefo aho mandrantsana azy ho potipotika mihitsy, miaraka amin'ity Teny ity, mandratra azy, ketraka ny fieritreretany. Kanefa hivoaka eto io lehilahy io ary ho andevo, ka handefa amiko ny fahafolokarenany. Marina. Izany dia manao ahy hahatsapa, hitanareo, miverina amin'ny nofo aho amin'izay fotoana izay, hitanareo, inona, inona no nolazaiko? Tsy fanahy iniako ny mandratra. Tsy izany ilay izy.

<sup>252</sup> Fa, oh, rahalahy, ary anabavy sy rahalahy kely malalako, raha izany no Tenin'Andriamanitra, ka ity Ny Fanahiny manao an'io Teny io ho tonga fiainana, ho anareo, dia ho inona izany amin'ny Andron'ny Fitsarana? Miezaka manao anareo ho vonona ho an'io andro io aho. Azafady, azafady raiso fotsiny Ny Teniny. Raha mba mitory zavatra iray izay tsy ny Teny aho, teny fikasan'Andriamanitra iray, amin'izay fotoana izay dia manana zò hanatona ahy ianareo. Fa izany no Teny. Ary izany dia satria tiako ianareo.

<sup>253</sup> Tsy satria hoe izaho—tsy tiako ho ao anatin'ilay lakana ianareo. Ilay izy dia satria tsy hitondra anareo hiampita ilay lakana. Ho potika tanteraka ianareo, indray andro any.

<sup>254</sup> Tsy maintsy tonga eo amin'ny Fitsarana ianareo. "Izay meloka amin'ny kely indrindra dia meloka amin'ilay manontolo." Ary rehefa fantatrareo fa misy zavatra iray izay tsara atao, ary izany dia ny Tenin'Andriamanitra sy teny fikasanana iray ny fanaovana azy, avy eo dia tsy ataonareo ilay izy,

amin'izay fotoana izay dia ahoana ny amin'izany? Hangatahana ianareo hanome antony iray, ho inona amin'izany? Rehefa manatrika anareo eo amin'ny fitaratra fijerena any ity Hafatra izao maraina izao ity, amin'ny Andron'ny Fitsarana, dia ahoana ny amin'izany? Eritrereto izany, ry sakaiza. Mety maty alohan'ny fiafarano'ny andro ianareo. Isika rehetra dia mety. Ary ny zavatra anankiray azo antoka, dia ho faty ianareo.

<sup>255</sup> Nitsangana aho indray andro nandinika ny reniko, nihazona azy teo an-tsandriko aho. Nihazona ny dadako aho taloha kelin'io, ary nandinika azy nandeha.

<sup>256</sup> Nahita azy ireo tonga teo amin'ny faran'ny lâlana aho, izay nihevitra fa tena nety tsara marina tokoa izy ireo. Hoy ianareo, "Oh, Rahalahy Branham, oh, raha mba afaka velona elaela kely kokoa mantsy aho!" Tara loatra amin'izay fotoana izay. Ary tsarovy, tsy manova ny fanahy ny fahafatesana. Manova ny toeram-ponenany fotsiny ihany izy. Ary raha hitanareo fa, misy zavatra ao anatinareo. Aoka handanjalanja tsara ankehitriny. Raha hitanareo fa, misy zavatra ao anatinareo izay manao anareo hihetsika tahaka an'izany sy hahatsapa tahaka an'izany, toy ny hoe tsy tokony ho tsapanareo, dia mibebaha izao maraina izao, sitrakareo ve, ry sakaiza? Avia. Aoka... Tsy voatery ho tahaka an'izany ianareo. Olona mahantra iray ianareo. Miainà fiainana Taranaka Mpanjaka marina iray. Mila anareo Andriamanitra androany.

<sup>257</sup> Hanangana ny tânanareo ve ianareo, raha mbola miondrika ny lohanareo, sy ny fonareo. Manaova hoe, "Rahalahy Branham, manangana ny tânako amin'Andriamanitra aho. Amin-kitsimpo, avy amin'ny foko, izany no tiako haha-izy ahy. Izany marina tokoa no tiako haha-izy ahy. Izaho dia—nikorontana tanteraka aho tetra sy ny zavatra hafa, fa izaho marina tokoa—tsy te-ho tahaka an'izany aho. Te-ho tahaka an'izay noresahanao izao maraina izao aho. Mivavaha ho ahy, Rahalahy Branham. Manangana ny tânako amin'Andriamanitra aho, tsy aminao, Rahalahy Branham, fa amin'Andriamanitra. Ary ao am-poko, Izy no mahafantatra ny foko. Maniry fatratra aho ny ho karazana Kristiana izay resahanao, Taranaka mpanjaka iray an'i Abrahama, amin'ny alalan'i Jesosy Kristy." Atsangano ny tânanareo ankehitriny ka manaova hoe, "Izaho dia... Mivavaha ho ahy, Rahalahy Branham." Andriamanitra hitahy anao. Andriamanitra hitahy anao. Azo antoka fa Hataony ho anareo izany.

<sup>258</sup> Rainay any An-danitra, ao amin'ny Hazavan'Ny Teninao, ao amin'ny herin'ny Fitsangananao! Ary fantatro, Tompo, fa ireo olona mampalahelo matetika dia voakorontana eto, avy amin'ny samihafa. Zara raha mahafantatra an'izay ataony ny olona; tonga ny anankiray, milaza zavatra anankiray; ary tonga ny anankiray, milaza iray hafa.

<sup>259</sup> Ary eto Phoenix, ity tanàna malazan'ny—ny, eny, mpizaha tany ity, izay idiran'ny zavatra rehetra avy amin'ny firenena manerana, ara-batana sy ara-panahy. Nitsangana teo amin'ny tendrombohitra aho, indray andro, ka nieritreritra hoe impiry no nampiasaina tsy misy antony ny Anaran'Andriamanitra tao anatin'ny andro iray teo, fijangajangana firy no natao, fahotana sy loto firy teto an-dàlambe teto, sy ireo trano fisotroan-toaka ary ireo mpandeha any amin'ny fivarotan-toaka, sy ny sisa, maro amin'izy ireo no milaza fa mpino, Kristiana!

<sup>260</sup> Mandeha eny an-dàlambe ireo vehivavy, miaraka amin'ny sigara iray eny an-tànany. Mandeha manao an'ireo fitafiana tsy maotina, nefà Ianao no nilaza fa maimbo eo Anatrehanao izany, "Fahavetavetana izany," tahaka ny toerana fivalanandrano ratsy iray, maloto, feno loto, maimbo any ho any. O Andriamanitra, ahoana no ahafahan'ny vehivavy iray izay mihambo ho manana ny Fanahy Masina manao zavatra tahaka an'izany, nefà mahafantatra fa eo amin'ny oron'ilay Mpamony, dia mamofona tahaka an'izany io, maimbo? Ahoana no Ahafahany banana zavatra tahaka an'izany ao amin'Ny Fanjakany? Ray, raha nahafantatra fotsiny mantsy izy ireo, fa any amin'ny iray tapitrisa maily miala an'Izany izy ireo.

<sup>261</sup> Mivavaka aho, Andriamanitra, mamindrà fo. Tsy misy anankiray te-handeha ho any amin'io faritry ny very io. Tsy misy anankiray te-handeha hidina any, Ray. Ho lavitra anay anie ny handeha. Kanefa ao ambany ao dia misy fo tsara iray ao anatin'io olona io, io lehilahy io, io vehivavy io, lehilahy iray na vehivavy izay malala-tànana sy mahafinaritra ary tsara fanahy, fa voafitaky ny devoly fotsiny. Ny devoly no nanao an'izany.

<sup>262</sup> Satana, manohitra anao aho, satria fahavalon'ny Tompoko ianao. Fahavalon'Ny Teniny ianao. Ary mandidy anao aho, amin'ny alàlan'i Jesosy Kristy, ilay Zanak'Andriamanitra, amin'ny maha-vatana mety maty iray, mahafantatra fa tsy manana fahefana aho ao amin'ny tenako. Tsy manana hery hampijanona anao aho. Tsy manana fahefana hanao ny anankiray amin'ireo vehivavy ireo hadio aho, ny anankiray amin'ireo lehilahy ireo, izay mihaino an'ity horonam-peo ity, na—na aiza na aiza. Tsy manana fomba hanaovana azy ireo hadio aho. Tsy manan-kery aho. Fa tena manana ny fahefan'ny Tenin'Andriamanitra aho, amin'ny maha-mpanompo iray, ny hitory an'Izany, ary voafatotr'izany fahefana izany mihitsy. Na dia io polisy eto ivelany eto io koa aza dia tsy manana hery hampijanona fiara iray, saingy manana fahefana hanao an'izany izy.

<sup>263</sup> Ary, Satana, afaka mandeha mampikiakiaka tsara ny hisatrapa ianao, satria mandidy anao aho, amin'ny alàlan'i Jesosy Kristy, mba hamotsoranao an'ireto olona ireto, manerana an'izao tontolo izao, na aiza na aiza ahafahan'ity Hafatra ity mandeha. Avotsory izy ireo. Mitaky azy ireo aho, fa novidiania

izy ireo. Tsy azy manokana izy ireo. Novidiana tamin'ny vidiny iray izy ireo, ilay Taranaka Mpanjaka an'i Abrahama, ny Tompo Jesosy.

<sup>264</sup> Ianao mpihatsaravelatsihy feno loto, maloto, maimbo, mpamitaka olona, mitarika azy ireo am-pahajambana mankao amin'ireo lavaky ny helo, avotsory izy ireo. Mandidy anao aho, amin'ny alàlan'ilay Andriamanitra velona, amin'ny alàlan'ilay Fanatitra an'Ny Zanany, Jesosy, mba hamotsoranao azy ireo, ka ny fanahin'izy ireo anie ho feno ny Fitahiany sy Ny Fanatrehany, mba ahafahan'izy ireo hahazo ny vavahadin'ny fahavaloh tsirairay. [Elanelana tsy voaraki-peo—Mpand.] Ianao no nanao azy ireo hiandry an'ity, *itsy*, na ny *hafa*, na fikasihana masina iray, na zavatra hafa, fa milaza aminao aho fa hamaha ny fihazonanao ianao.

<sup>265</sup> Ahoana no ahafahan'ny aretina hitsangana ao anatin'ny hosotra iray tahaka an'izao? Raha tsy hoe mandà fotsiny ny hijery any amin'ilay teny fikasana tahaka ny nataon'i Abrahama ray izy ireo, izay nahafahany nahita Azy tao amin'ny endrika iray an-jatony taona tany aloha, tonga.

<sup>266</sup> Avotsory izy ireo. Amin'ny Anaran'i Jesosy Kristy, avelao handeha ireo olona ireo.

<sup>267</sup> Enga anie ny herin'Andriamanitra, ny fahazoana ny Teny, raha voasasan'Izany izy ireo izao maraina izao, enga anie ny fahazoana ny fihazonana ny Tenin'Andriamanitra sy ireo Fampanantenany ho marina, ho fihazonana iray izay tsy azon'i Satana vahana. Enga anie ny tsirairay avy hifikitra eo amin'izany teny fikasana izany, manao hoe, "Ity Izany. Mihazona Azy aho. Andriamanitra no nanao an'ilay teny fikasana. Taranak'i Abrahama aho. Ahoana no ahafahako hisalasala amin'ny Fampanantenany?" Ka mandroso avy hatrany, amin'ny alàlan'i Jesosy Kristy, Tomponay. Amena.

Tiako Izy . . .

<sup>268</sup> Nandidy ilay izy izao maraina izao, ry sakaiza. Ndao isika hanompo moramora ankehitriny.

Satria nitia ahy mialoha Izy  
Ka nividy ny famonjeko  
Teo amin'ny hazon'i Kalvary.

<sup>269</sup> Azo atao ve izany, tsy manevateva, tsia tokoa . . . Izao dia—dia ara-pivavahana. Ndao isika hanangana ny tànantsika Aminy izay tiantsika. Ka hanao hoe:

Tiako Izy, tiako Izy  
Satria nitia ahy mialoha Izy  
Ka nividy ny famonjeko  
Teo amin'ny hazon'i Kalvary.

<sup>270</sup> Ankehitriny, ho an'ny vehivavy tsirairay na zazavavy ato, ity ny tànako. Tia anareo Andriamanitra. Ho an'ny lehilahy

tsirairay na zazalahy ato, tia anareo Andriamanitra. Tiako ianareo. Ankehitriny, tsy afaka manatsotra tànana aho ka handray ny tsirairay avy amin'ny tànanareo, fa Andriamanitra anie haneho aminareo an'izay tiako lazaina. Raha mbola mihira an'izany indray isika, dia mitodiha fotsiny ka mifandraisa tànana amin'ny olona iray. "Izao no hahafantaran'ny olona rehetra fa Mpianatstro ianareo, raha manana fitiavana ianareo, ny iray ho an'ny iray hafa." Izaho . . .

Nividy ny famonjeko  
 Teo amin'ny hazon'i Kalvary.  
 Tiako Izy, tiako Izy  
 Satria nitia ahy mialoha Izy  
 Ka nividy ny famonjeko  
 Teo amin'ny hazon'i Kalvary.

<sup>271</sup> Tsy tianareo ve Izy? [Hoy ny fiangonana hoe, "Amena."—Mpand.] Io fihetseham-po mamy an'ny Fanahy Masina io! Ny Teny dia dingam-panadiovana iray, mikosoka anareo fotsiny, manao anareo ho olom-baovao iray, manaisotra ny rehetra. Ny Teny dia maranitra noho ny sabatra roa lela, mamora, manaisotra an'ireo zavatra rehetra an'izao tontolo izao. Hitanareo? Avy eo dia mahatsapa ho madio isika, voakosoka, manaiky sy mino Azy. Izany no ahafahantsika mihira hoe:

Tiako Izy, tiako Izy  
 Satria nitia ahy mialoha Izy  
 Ka nividy ny famonjeko  
 Teo Kalvary.

<sup>272</sup> Tsara tarehy ve izany? [Hoy ny fiangonana hoe, "Amena."—Mpand.] Tiako amin'ny foko rehetra mihitys izany. Hitanareo? Ndao isika hanandrana an'izany indray, ny olona rehetra ankehitriny, tena, amin'ny tampon'ny feonareo ankehitriny.

Tiako Izy, tiako Izy  
 Satria nitia ahy mialoha Izy  
 Ka nividy ny famonjeko  
 Teo Kalvary.



*ARY NY TARANAKAO HAHAZO NY  
VAVAHADIN'NY FAHAVALONY MAG62-0121M*  
(And Thy Seed Shall Possess The Gate Of His Enemy)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 21 Janoary, 1962, tao amin'ny Faith Tabernacle ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)